

T 3205/5330.82

CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY  
APR 15 1941

10

本冊缺頁、裝訂問題系原書原貌

秦州志卷之十

哈佛大學漢和  
圖書館珍藏印

詩賦

文會堂

范仲淹

東南滄海郡幕府清風堂詩書對周孔琴瑟視羲皇  
君子不獨樂我朋來遠方一學許周查三遷徐陳唐  
芝蘭一相接豈徒十步香德星相聚會千載有餘光  
道味清可挹文思高若翔笙磬得同聲精色俱激揚  
栽培盡桃李棲止俱鸞凰琢玉作鎮圭鑄金爲干將  
猗哉滕子京此意久而芳

浮香亭梅花

秦觀

海陵參軍不枯槁醉意梅花愁絕倒爲憐一樹傍寒  
溪花木多情自相惱清淚斑斑知有恨恨春相逢苦  
不早甘心結子待君來洗雨梳風爲誰好誰云廣平  
心似鍊不惜珠璣恣與掃月沒參橫畫角哀暗香消  
盡令人老天分四時不相貸孤芳轉盼同衰草要須  
健步遠移歸亂插繁華向晴昊

和

參寥

朔風蕭蕭方振槁雪壓茅齋欲欹倒門前誰送一枝  
梅問訊山僧少病惱強將筆力爲君寫麗句已輸何  
遜早碧桃丹杏空自妍嚼蕊歟香無此好先生鴉酒

傍玉叢醉裏雄詞驚電掃東溪不見謫仙人江路還  
逢少陵老我雖不飲爲詩牽不惜山衣同藉草要須  
陶令插花歸醉卧春風軟軒昊

和

蘇軾

西湖處士骨應槁只有此詩君壓倒東坡先生心已  
灰爲愛君詩被花惱多情立馬待黃昏殘雪消遲月  
出早江頭千樹春欲暗竹外一枝斜更好孤山山下  
醉眠處點綴裙腰紛不掃萬里春隨逐客來十年花  
送佳人老去年花開我已病今年對花還草草不如  
風雨卷春歸收拾餘香還畀昊

又和參寥

蘇軾

化工未議蘇羣槁先向寒梅一傾倒江南無雪春瘴  
生爲散冰花除熱惱風清月落無人見洗粧白趁霜  
鐘早惟有飛來雙白鷺玉羽瓊枝聞清好吳山道人  
心似水眼靜塵空無可掃故將妙語寄多情橫槎欲  
試東坡老東坡習氣除未盡時復長篇書小草且撼  
長條冷落英忍饑未擬窮呼吳

又

蘇軾

老夫毛骨日凋槁愁見冰鹽惟醉倒忽傳騷客賦寒  
梅感物傷春同懊惱江邊不識北風勁墻頭知有雪

枝早未開素質夜先明半落清香春更好隣家小婦  
學閑媚靚粧惟有長眉掃孤芳已與飛霰競結子仍  
先百花老苦遭橫笛亂飛英不見遊人醉芳草可憐  
物性空自知羞作繁華助芒昊

又和參寥

蘇軾

憐君古木依巖槁西江飲盡須彌倒野花幽草亦何

爲

嶮語長篇空自惱萬點浮溪輒長嘆  
一枝過嶺誇先早拾香不忍游塵汚嚼蔬更憐真

味好道人遇物心有得瓦竹相敲緣自掃誰知真妄  
了不妨令我至今思躡老妙明真覺昔未識但向閑  
窓看詩草浮雲時起鳥四飛畢竟安能亂清昊

秦州無泰山飛來莫茲土凌雲入青霄秀色貫今古

乘風一登之去天如尺五忽聞絃誦聲彷彿過齊魯

又 簡輔 馬平人進士

數仞為山壯秦州一抔何處又羅浮三千丈外人曾

到四百峯頭我亦遊停潦隔堤分上下荒田逋稅兩

春秋蘇湖教遠祠空在雨洗莓墻草徑幽

又 金廷瑞 武林人郡守

尋春直抵秦華巔翹首惟餘尺五天 謝活水 一片煙霞

隨袖拂萬重青翠入詩聯 張一山 弦歌滿耳知民樂時

枝早未開素質夜先明半落清香春更好隣家小婦

學閑媚靚粧惟有長眉掃孤芳已與飛霰競結子仍

先百花老苦遭橫笛亂飛英不見遊人醉芳草可憐

物性空自知羞作繁華助苾昊

又和參寥 蘇轍

憐君古木依巖槁西江飲盡須彌倒野花幽草亦何

為 嶮語長篇空自惱萬點浮溪輒長嘆 嚼蕊更憐真

味好道人遇物心有得瓦竹相敲綠自掃誰知真妄

了不妨令我至今思璉老妙明真覺昔未識但向閑

窓看詩草浮雲時起鳥四飛畢竟安能亂清昊

秦州志 卷之十

秦州志 卷之十

秦州志 卷之十

秦州志 卷之十

秦州志 卷之十

泰山  
莆田人

乘風一登之去天如尺五忽聞絃誦聲彷彿過齊魯

又  
簡輔馬平人進士

數仞為山壯泰州一抔何處又羅浮三千丈外人曾

到四百峯頭我亦遊停潦隔堤分上下荒田逋稅兩

春秋蘇湖教遠祠空在雨洗莓墻草徑幽

登泰山聯句  
金廷瑞 武林人 郡守

尋春直抵泰華巔翹首惟餘尺五天  
謝活 一片煙霞

隨袖拂萬重青翠入詩聯  
張一 弦歌滿耳知民樂時

序驚心感歲遷  
金一 亭 我輩登臨留勝跡百年人物壯

山川  
吳南 溪

泰山高處我重臨不識何人踵後座極目徐淮青未

了回頭吳楚勢相親萬家煙火州民庶五夜元宵天

下春謝公高興誰能憶笑殺紅塵陌上人

次韻  
張承仁 州人 御史

名山高處愜登臨身在層霄不受塵半嶺煙霞容我

老四時魚鳥向誰親鶴來不省人間事龍去空餘古

廟春長嘯一聲林谷響此中端合住閒人

...

...

...

...

...

...

與友人同登泰山 張承仁 州人 御史

相約看山出每遲我來猶及暮  
春時重脩禊事還堪  
賞試問丹丘兩不知雲際遠  
山斜帶郭岬頭新漲綠  
平池同遊盡是詞場客拈筆  
憑高各賦詩

登泰山次張一山韻 劉萬春

封禪無書瘞秩遲尊稱帝時  
自何時三台斗極登方  
見四序機祥候始知圖蔣山  
青遙上堞江淮漲綠細  
通池軍威道脉今安在弔古  
憑高幾賦詩

又 張承仁 州人 御史

忽破三生夢來登第一峯高  
天驚網脫濁世苦塵蒙

白白沙邊鷺冥冥雪後鴻  
餘杯留晚興且莫扣昏鐘

携沈甥良才與芳兒登泰山 張承仁

汗漫江山愧寂寥鶯花端合  
試晴朝一春強半還須  
惜五日為期不待招客具祇  
應供海錯仙厨誰為炙  
山泉欣從狂簡聽高論其吐  
長虹貫碧霄

登山次韻 張承仁

美酒香茶任所携山中茅屋  
是招提桑麻景好僧堪  
住榆柳陰多鳳不棲暝色入  
煙迷故堞晴光漾日渺  
平溪紫泥封後無仙籙何處  
尋源問碧鷄

天目山 神陰題詠

李師中

壞壁摩挲少舊題  
高情應恠賞音稀  
煙霞正自無今古  
雲水從教遠是非  
丹井金龍藏洞府  
杞叢蒼犬蕩霞扉  
登臨未學神仙事  
老樹閑看獨鶴歸

又

劉蘭 府同人

天目名山只兩峰  
江南江北各爭雄  
燒丹羽士何年去  
杖錫禪僧此日逢  
靈壙重開真聖界  
仙臺翻作梵王宮  
公餘弔古存殘碣  
鹿女飛昇闡道風

又

劉廷美

仙家曾住此名山  
靈跡如今尚可攀  
物換塵寰滄海

變龍歸洞府  
水雲閑早知白鹿來遊地  
莫放青牛去  
度關大藥終須留一粒  
總教人世駐朱顏

又

王棟 郡人學博

見說仙源合抱琴  
籃輿乘興上雲岑  
天應有目看人世  
谷豈無緣聽足音  
春雨鹿臺迷草色  
曉天龍井護松陰  
淹留不敢辭行李  
生怕歸途起獵心

望天目山

凌儒

隴麥生風爽似秋  
望中天目紫煙浮  
百年好句酬清世  
四月扁舟作勝遊  
鹿女不還山自迥  
壁文何在水空流  
滄江隨處堪乘興  
豈必蓬萊十二樓



芙蓉閣

曾致堯 撫州人 郡守

夏日芙蓉閣閣前何最殊參差紅齒蒼迤邐綠菰蒲  
浮藻青粘柱澄瀾碧照櫺木陰栖獨鶴波影浴雙鳧  
煙動烹茶竈香微養藥爐靜疑江寺小幽笑石屏孤  
沙鷺窺吟榻風蟬入座隅重簷常碍斗疊砌每生蘆  
炎暑微涼有塵埃斷定無傍軒黃蛺蝶縈隙白蜘蛛  
豈必居三峽全勝泛五湖立寧憂岼峻宿不怕灣紆  
白愛資詩景誰憐敘畫圖牕間雲縷細枕底浪聲麤  
戍客心如火行人汗似珠此中涼冷與那得暫如吾

望京樓

曾致堯

望京樓上望望久思躊躕境土連江徼人家匝海隅  
隔山川隱映負閣水縈紆雨過風生檻潮來岸浸蘆  
雲昏迷候館樹缺辨溪湖煙暝藏汀鷺林繁失廟烏  
浦遙帆片小村迥笛聲孤展轉觀風部徘徊想世途  
身為州郡主心在帝王都際會逢堯曆歡榮荷禹謨  
便當思慄慄敢不盡區區苒苒年華至悠悠夕照徂  
常時思玉闕每夜夢金爐欲坐晚衙去重簷知矣夫

清風樓

又云清風閣

曾致堯

樓號清風頗覺清冰壺冰室漫傳名並無塵土當軒  
起只有松蘿繞檻生秋似玉霜凝戶牖夜宜素月照

簷楹我來滌慮搜吟坐惟恐蓼蓼暮鼓聲

又

王安石

飛甍孤起下州墻勝勢崢嶸壓四方遠引江山來控帶平看鷹隼去飛翔高蟬感耳何妨靜赤日焦心不廢涼况是使君無一事日陪賓從此傾觴

積翠亭

曾致堯

高高積翠亭積翠不虛名路小莓苔合墻低薜荔生當軒攢竹栢繞檻列杉檉公退時來此吟情轉覺清

浴沂亭

侯

瓚

古雄人工部尚書

鳳凰墩上鳳皇儀鳳去亭高俯碧漪童冠衣新春浴

罷舞雩風煖咏歸遲問酬可是成狂簡章甫何曾入夢思遙想前賢真樂地杏花壇上瑟音希

又

虞

瑤

縉雲人兵部侍郎

四面晴臨一鑑圓浴沂真樂似當年詠歸童冠春如許飛躍鳶魚境自然氣象迥於堯舜等事功何有赤求賢身心到此塵埃盡坐我光風霽月天

又

鄭

紀

蒲陽人祭酒

魯國溫泉一脉通池亭屹立海門東詠歸雲影大光上身在鳶飛魚躍中闕里平分時化雨舞雩遠播莫春風諸生欲識方侯意試問當年舍瑟翁

又

追隨童冠振衣新來作茲亭及暮春鏗爾每停曾氏  
瑟喟然長夢孔門人川流浩浩微言在魚躍昭昭率  
性真安定九原如復作周旋日日更誰親

只憲嘉禾人太僕少卿

又

陳琦長沙人學正

泮亭瀟灑俯清流八面窓開景最幽駝嶺雨晴羣樹  
合鳳池煙鎖綠楊稠捲簾嵐擁千門曉遶檻波涵一  
鏡秋共美冠童浴沂處蒼蒼風物即東周

又

陳邦偁琦姪進士

泮海源深不盡流池亭高占泮林幽青山綠水排窓

遠雲影天光入座稠桃李萬家沾潤澤車書一統陋  
春秋狂遊漫說攜童冠正學端能慕孔周

守雌堂

陳垓

再拜守雌堂徐翁今在亾箒閑塵滿室宮老褐分房  
龍護千竿竹猊薰一縷薊誰呼華表鶴風月共平章

又

陳垓

來種吳陵竹便成須友情護全歸鶴表移繞起雲亭  
纔聳槐堂幹俄開藥館扃豈無虛靜箒數個付園丁

歸鶴亭

陳垓

出城七里近綠樹蒨平野非谷響答鐘非坡勢奔馬

固應地理家著阡藝松檟獨疑冲和翁生死皆幻假  
孰云骨可蛻正爾亦土苴更憐兩翁仲為客護瀟灑  
柏陰供解鞍竹色入浮竿此翁言可人萬事箒一把  
壁門六尺影月夜豈自寫向來華表鶴千載有歸者  
喚翁願一醉矮榼共傾瀉

駝嶺

韓恕

駝峯突兀倚雲端兩袖天風送曉寒細卷松濤鳴祖  
帳亂飄雲靄濕征鞍稜稜肅氣含霜簡凜凜巖威上  
鏡冠還向薇垣報吾主故園花鳥日平安

秦堂

王定

州人教諭

廣陵明月夜寂寂轉棠陰苑外沉清漏花間出素琴  
隔帷書易讀對榻酒常斟一別江南北寒光繫寸心

海陵八景

舊有十詠今刪桑君丹竈羅浮春曉  
丹竈在天目山二景羅浮春曉

在新城河西西湖春雨已備此景况天朝兩京  
惟具八景一州十之乃誇辭也二景當刪舊無  
貢院奎光今考風景清妍山水映帶增此新題  
七景皆郡人丘容作惟貢院奎光題雖具而詠  
闕焉學正陳  
琦續以足之

秦堂明月

丘容 郡人

秦堂虛且清明月照今古時有鳴琴人棠陰思召父

又

凌儒

高區巍然牧愛懸湯銘垂示自何年相看夜夜來明

月不媿時時對昊天草滿訟庭長  
浥露花深臥閣不籠煙清光墮地寒如水  
偏照淮南郡守賢

駝嶺清風

千戶所後背如橐駝然

丘容

蜀岡多秀靈駝嶺產奇樹長自清風生  
炎蒸不知處

又

凌儒

守禦堂垂立武強明駝高峙鎮金方  
清風過嶺吹蕭艾旭日臨岡睹鳳皇  
地險有人司保障時平無士死封疆  
詩書自可銷氛氣謾道漁陽騎射長

鳳池筆穎

南禪寺東廊舊有古塔高插雲漢夕陽西馳影落鳳池宛如大筆風水家

取此兆才人學士科舉之應鳳池即今泮池也

丘容

池上鳳皇古池中筆穎長地靈多俊傑  
星斗煥文章

又

凌儒

膠岸雲擁鳳麟遊形勝多從壁水收  
峻塔倒成橫筆影清淮分作曲池流  
文明此日昌期會元氣終天萬古浮  
安得迴梯還百尺題名盛繼許查周

貢院奎光

學異闕宋守陳垓造屋備制以選秋闈之士蓋省試也天香叢桂查許周

多士皆由此選地勢如天馬橫空又名天馬峯

陳琦

後漢東陽郡南唐較藝闈人文從古盛  
奎璧尙騰輝

又

凌儒

俊父何時海上收鎖闈開向郡南頭  
文章一代聲華

往禮樂千年教化留地廢自應禾黍長時來還見鳳  
麟遊興賢會萃鍾山勝夜夜奎纏紫氣浮

范堤煙柳

文正范公為鹽官時奏築長堤以捍海潮以護民田數百里生民恃之無

恐堤栽柳以蔭行客真葉葉甘棠也

丘容

范宰憂民患防潮築海堤蒼煙含柳色終古暮鴉啼

又

凌儒

長堤捍海幾經年萬柳青青含曉烟鰲極永安潮應  
月蜃樓高結碧連天自宜煮水堪成賦不畏揚波好  
種田我亦鄉人事疏鑿謾將經濟繼前賢

董井寒泉

董永年饑備於西溪富室賣身葬父井乃天女汲水縲絲井也又有辭郎

河鳳昇橋皆仙女別永處

丘容

天女縲絲井仙君始得名誰知千載後不斷轆轤聲

又

凌儒

報德何難自鬻身縲絲人遠事猶新金梭尚照西溪  
月玉井長流東海春萬古綱常垂勝地千年祠屋傍  
通津謾遊憶昔曾瞻拜採拾方言字字真

西湖春雨

安定祠東起雲樓清波數曲是也

丘容

泰阜靄春雲西湖作春雨鷗鷺亂驚飛鳴榔過漁浦

又

凌儒

殿山連郭小西湖一鏡澄然落影孤日日寒波浴鷗

鷺年年春雨長菰蒲精忠上仰將軍岳正學前依教  
授胡爲愛幽遐隔塵市結茆隣並著潛夫

天目晴嵐

州治東姜堰鎮鹿女飛昇宋發運使  
蔣之奇淘古井得金龍玉璧三十六

處也山脉起自揚州蜀崗山僅數丈  
吳陵近海此山脉走滄溟如龍尾然

丘容

三山王鹿女異跡落人間瑶草今何在晴光滿舊山

又

凌儒

形勝東來第一山嵐光飛滿日堪攀塵封廢井壁何  
在草沒高丘鹿未還不斷門前邗水遶長停峯頂楚  
雲閑里人據此稱雄鎮抱恨年年松檜間

登郡樓詩

張承仁

嘉靖丙申郡樓成七月三日郡大夫裕庵陳侯

邀請郡博暨鄉士夫命酒登賞竊惟一郡偉觀

百年嘉會東南盡美渚鴻雲鵠之聯翩興廢膺

懷海戍山城之突兀身依霄漢授簡非才思滿

江湖圖南有翼由今視昔事紀咏言觀國采風

談歸吟塵同登者郡大夫林思泉郡博士李東

嶼劉只山吳巽峰鄉士夫林定軒方伯華南畹

光祿方玉山轉運冒南臯別駕袁方洲徐香巖

李澄江進士共十三人

公暇相邀上郡樓元龍豪氣已橫秋銜盃興欲吞江  
海作賦才應貫斗牛今古曠懷何處寄乾坤清氣此  
中收擊空鷹隼爭飛急俯檻怡情羨白鷗

又

海城江戍此危樓翠爽浮空碧樹秋一覽已知無隱  
豹九衢誰復見全牛履隨鳧去何當返劍逐龍飛竟  
不收却羨冥鴻高的的閑將蹤跡寄沙鷗

又

暑雨瞻晴海國樓涼風吹盡楚天秋憑欄送日常依  
日仗劍盟心欲射牛五馬風流千載遇三秦豪傑一

時收棠陰晝永渾無事猶自招提看浴鷗

又

登武庫樓風飄燕雀半山林庭璋吳越

名勝吳陵壯此樓落成載酒醉新秋高軒焦雨觀儀  
鳳短草斜陽滿牧牛樂事喜從心上得風雲都向筆  
端收世臣報國孤忠在欲擬漁磯狎海鷗

又

登武庫樓風飄燕雀半山林庭璋吳越

傑閣崢嶸空外樓高雲爽籟度新秋逢君試續來三  
輔對閣揮毫回萬牛王謝登臨今不倦臯夔功業後  
還收丈夫本自無機事猶謂知機笑海鷗

又

登武庫樓風飄燕雀半山林庭璋吳越



公暇同登百尺樓松濤翻動半天秋江南客子初聞  
鴈楚外征夫不佩牛蓉媚小塘秋水靜樹藏宿靄晚  
風收凭欄一笑乾坤濶驚起沙汀幾白鷗

又

揮汗同登百尺樓論心入座便生秋多情自是關廊  
廟連步誰知近斗牛野樹陰森晴不斷江雲狼籍晚  
初收一聲何處無腔笛驚起雙雙泛渚鷗

又

李湘

冠蓋初登近海樓風煙新送半江秋景延吳越疆分  
楚星度婁奎宿應牛囊底乾坤容我放寰中風物任

君收漢皇前席恩方重何事憑欄羨白鷗

又

李湘

百年今復仲宣樓圯壤兼逢宋玉秋海嶽有靈時送  
鶴桑麻無事自眠牛東南麗藻晴相並西北晴嵐晚  
未收愛看冥冥萬里在背沙驚起二三鷗

次陳裕菴早秋登樓

儲

州人吏部侍郎

青霄欲上更登樓碧落高寒別是秋畫棟流雲凌翥  
鳳虹橋傍夕渡牽牛酒薰舞劍魚龍激風颭歌鐘燕  
雀收長笑凭欄情未極江湖何地狎浮鷗

又

儲

州人僉事

徒倚追攀暇日樓瑤臺金粟綴清秋半簾倒景飛鳥  
兔極浦浮槎轉女牛風靜五雲簷外合星羅萬戶檻  
前收興來直欲槌黃鶴寧事忘機嘆白鷗

登望海樓

徐 熿

蜃氣微茫曙色開海門東下是蓬萊飛樓絕壁青霄  
起危堞連甍紫氣迴萬頃春潭龍正臥五雲朝日鳳  
還來凭高落筆搖山嶽誰似和如作賦才

又

鄭夢賚 廣東人 郡守

蜃樓縹緲倚天開仙客凌空駕鶴來氣奪湖光吞五  
嶺劍橫秋影薄三台之翠翔鴈隨旌旆樹窟芳香入

酒杯海內交游真不偶登臨况是孟嘉才

題望海樓

凌 儒

百尺樓高睥睨前吳陵形勝似當年東溟下見滄波  
盡北斗遙瞻紫極懸江上圖山青不斷門前邗水碧  
相連拱天地接雲霄近應有神龍奮九天

又

巍然崇構傍層臺雄鎮東南王氣開泰岳一峯當檻  
落河流千里抱城來倚天寒色看歐劍盤地高標識  
楚材最是登臨宜作賦操觚終是馬卿才

又

海色蒼茫見十洲乾坤此地一登樓  
邦溝水落清流合天日蓬萊紫氣浮  
寺逼何妨龍虎會臺高應得鳳凰遊  
憑闌不獨覘形勝溶漾澄江好狎鷗

又

飛樓縹緲廣陵東海色蒼茫一望中  
左翼膠庠麟藪滿西肩泰岳鳳城雄  
清淮水遶天連碧仙島雲來日射紅  
獨取微名從所好憑虛時自舞霜虹

登望海樓次徐巖泉韻

劉萬春

落日憑欄望眼開蒼茫氣色接蓬萊  
千家井竈孤城合萬里帆檣一水迴  
不見秦鞭驅石去空聞漢弩射

波來卽今過客知多少可有玄虛挾藻才

同雨江道長登樓

朱廷立

通州人太僕卿

豸袍阜蓋作清遊萬里遙空共倚樓  
天下舟車通北極聖朝戎馬散南州  
危簷綵筆慚羣玉短髮黃花入一秋  
回首爲儒俱努力未應對酒賦離愁

繅絲井

王瓚

州人舉人

綵雲飛去鳳笙殘丹轉梧桐玉斃寒  
機杼荒涼秋草歇轆轤寂寞野花團  
祗憑博望知源遠肯信麻姑見底乾  
千古真遊何處覓一雙鳴鶴遶欄杆

富鄭公讀書堂

韓子蒼

未詳

藤床瓦枕快清風，破悶文書亦慢供。  
鄉信未傳霜後鴈，旅懷生怕晚來鐘。  
淹留已辦三年許，流落應無萬戶封。  
猶有壁間詩句在，他時誰爲寫真容。

過晏溪書院

陳宣

精舍瀟瀟枕水傍，紅塵飛不到滄浪。  
窓涵夜月清光溜，簾捲秋風爽氣涼。  
克棟千編儲典籍，盈囊百詠富文章。  
道真共羨嘑嚅久，源委深探意味長。

秋日南山寺訪客

龔大器

公安人  
海道

古寺依南郭，禪房苔蘚封。  
寒雲萋白石，靈籟動青松。  
客思驚秋邃，梵音下暝鐘。  
故人天北至，良夜喜重逢。

文昌閣贈羽士

張玉成

如皋人

樓高迥紅塵，豈是朝元宅。  
聊棲步虛人，以迓凌霄客。

花朝大隱觀燕集

張承仁

州人  
御史

戀惜韶華不自由，暖風晴日愜春遊。  
桃花又滿玄都觀，草色初回謝眺洲。  
尚憶故吾慚地主，肯來今爾謝交游。  
十年重到看花處，笑倚東風十二樓。

遊新城觀

張承仁

此地今非昔日都，冥烟和雨止金鋪。  
百年樹色殘霞暗，一帶河聲片月孤。  
畫壁音塵猶祀李，舊家聲望合歸盧。  
廢興自是人間事，仙術何須問有無。

遊新城觀次張侍御韻

劉萬春

州人武選司主事

偽吳當日此稱都  
匝地曾經錦繡鋪  
古木寒烟鷓影亂  
長天秋水雁聲孤  
羽衣笑傲頻揮塵  
酒伴狂呼每得盧  
幾度來遊生感慨  
繁華畢竟屬虛無

遊新城祐聖觀

方岳

莆田人

出郊便覺絕喧闐  
節物驚心歲序遷  
圩畝有田多種秫  
野塘無處不生蓮  
白蘋洲畔回寒雁  
青草湖頭臥釣船  
倒指重陽無幾日  
登高仍上碧山巔

次韻

徐改之

興化人詞客

玄都幽迥絕喧闐  
桑海從他有變遷  
洗馬亭荒惟茂

草養龜池煖但生蓮

觀南舊有洗馬亭養龜池

何時借地開丹竈

幾度看碑繫釣船  
萬水樓臺吾極目  
恍疑身上碧山巔

夜宿新城觀次韻

劉希文

州人長洲訓導

厭聞車馬到駢闐  
幾見桑田有變遷  
無計煉形逢絳雪  
何從慧悟出青蓮  
祇爭名利飛蜉羽  
一任浮沉泛葉船  
信宿仙宮清夢寐  
却疑身在白雲巔

又

豈無異玉出于閩  
卞不逢時刖亦遷  
蒼翠寒巘猶古栢  
紅香秋落但枯蓮  
追隨雲水尋丹竈  
盡攬烟霞上

釣船願得玄風醒俗慮道房亦是最高巖

次韻 劉萬春

當年歌管此轟聞豈料滄桑有變遷翠縷尙牽橋畔柳紅衣已落渡頭蓮田疇處處皆儲水村市家家可放船不向玄都窮勝覽更於何地覓山巔

且樂橋 凌 儒

北郭臨關處虹飛十丈餘避驄桓典里賣藥伯休居境逼難容市途平可渡車千年歌舞地愛有草玄廬

次韻 劉萬春

梅福當關處韓康賣藥餘即韓翁懸壺處人猶思舊隱民且

樂安居歌舞空名巷衣冠幾下車低回不能去松翠

滿荒廬

大寧橋 凌 儒

鎖鑰聲聞近通津第二橋坊臨官閣直路入泰山遙闕閱門相倚秦淮水不朝當關誰爲訴烽警日來銷

次韻 劉萬春

銀津通郡廨此地再逢橋望去人烟雜分來野色遙柝傳明月夜鐘度白雲朝問俗知仁政萑苻警已消

天寧橋 凌 儒

百尺臨淮秀邦流自竹西水深龍臥穩松暝鶴飛低

梵宇隣鐘磬轅門接鼓鼙獨憐愚士女祈禱往來迷

次韻

劉萬春

卜宅臨淮里茲橋恰在西緣溪僧刹近隔樹女墻低  
問渡思舟楫觀兵習鼓鼙稍斜通別墅竹徑未應迷

稅務橋

凌儒

歲課垂名舊中城路不賒總戎司馬第簪筆夕郎家  
東海迎朝日西山送晚霞從來冠蓋里時過七香車

次韻

劉萬春

中市虹飛處當壚酒易賒崇郊隣此地杏館屬吾家  
寒家有秋實園小割西湖水造分東嶽霞一從蠲稅後不

推舟車

太和橋

凌儒

鰲首見文昌橫波落影長草深沙徑沒苔暗石碑藏  
題柱人頻過行春路半荒橋梁繫王政回首思茫茫

次韻

劉萬春

舊事說南唐魚鹽此地長碑從墻角臥丹向井中藏  
謁聖宮偏近尋仙迹已荒春郊來五馬淑氣正蒼茫

八字橋

凌儒

孔道當南北橋回左右分地形橫似字梁勢擬如雲  
隔市人烟靜連營鼓角聞觀風問民俗蕭艾化蘭芬

次韻

劉萬春

水脉雙流合橋形八字分寫虹斜入漢象翼並凌雲  
車騎當階簇笙歌隔岸聞踏青蓮步轉羅襪有餘芬

登仙橋

凌儒

名擅江城勝崢嶸高挿天仙人何處去遺跡尚依然  
七日笙猶響千年鶴未旋監司隣守禦時得察官賢

次韻

劉萬春

昔聞蓬閣客白晝此昇天壇靜苔仍合鑪空火欲然  
乘魚何處去化鶴幾時旋且向橋頭醉方知濁酒賢

伏龍橋

劉萬春

發石古藤封君王此斲容海神應未見釣叟豈曾逢  
夢已徵亡鹿名猶記伏龍傷心南渡事不忍問遺踪

伏龍橋

方岳

莆田人  
御史

十勝街前事君王勇未消空餘一片石猶記伏龍橋

池上二小橋

曾致堯

撫州人  
州守

最愛碧池好平橋西與東烟中兩飛鵠波上二長虹  
偃蹇形相照浸淫路盡通晚來吟咏處徧歷思無窮

池上小舟

曾致堯

碧池澄澈處最愛小輕舟有浪防誰借無風更自由  
岸深從不繫潭淺任隨流彷彿平江上依稀古渡頭



靜留鴻鴈晚寒載鷺鷥秋入夜和煙泛侵晨帶露浮  
蓬遮堪聽雨棹穩好垂釣日暮蒹葭畔何人憶蓼洲  
詠范堤柳贈唐宗醫士 石元霽 州人國子博士  
東溟萬里揚鯨波飛濤衝突將奈何大賢憫念蒼生  
苦築堤爲護田中禾堤成遙遙過百里彷彿蒼蛟洪  
濤裏盛栽楊柳夾長堤參天萬樹參差起春雨初收  
海氣屯溟濛翠霧連遠村但聞枝上鴉何處啼朝昏  
居人惜似甘棠樹滔滔遺愛今猶存海上良醫世稀  
有無數竒方懸左肘行年八十活人多應與大賢名  
不朽昔曾賣藥遇堤傍種杏多如堤上柳

安定祠銀杏樹

劉萬春

薰風下天來吹我凌空衣  
睠此千年樹欲去還依依  
繁陰沁詩骨靜宇發天機  
安得北牕閒羲皇謾同歸

謁安定祠

楊瞻 蒲坂人 御史

再拜瞻遺像荒祠古樹陰  
蘇湖體用學朝野聖賢心  
隨鑄匡時器分方振鐸音  
至今薄海內在在重儒林

又

陳源清 三山人 教諭

孔鐸旣沉響師傅日荒涼  
嬴秦事法律隋唐競詞章  
漂淪迨五季一軌趨猖狂  
天未喪斯文宋運逢其昌  
表表胡夫子應期生海邦  
學能兼體用譽用徹朝堂

出為天下師英賢滿門墻淵源啓宋學隆盛追虞唐  
 高岡生梧桐朝陽鳴鳳凰曰惟夫子功日月可爭光  
 生有益於時死合祀于鄉誰其廢不舉我意欲存羊  
 垣宇既以飭像貌亦輝煌衣冠拜祠下告之一瓣香  
 重脩胡安定先生祠落成賦此紀事

魏錫祚

萊蕪人進士州守

有宋崇理學代興得真儒偉哉安定公奮起淮海隅  
 經術乃大昌淵源啓程朱本是王佐儔致身願唐虞  
 器大用顧小乘鐸蘇與湖卓然師道立學者循步趨  
 經義兼治事全體大用俱後復侍講筵密勿陳訂謨

所施雖未竟屹爾垂斗樞教澤流無疆道統昭天衢  
 濂洛及關閩賴公剪榛蕪譬諸先河祭首庸固非誣  
 迄今數百年士猶奉楷模賤子生鄒魯仕學均迷途  
 幸官大賢鄉嚮往徒區區下車謁祠宇傾圯增慨吁  
 謹以薄俸入庀材新構櫺將伯樂予助踴躍衆志孚  
 楹桷稍加飾妥侑神或愉前規一朝復吉日仍載諏  
 堂上肅豆籩堂下調笙竽斐然集童冠紛若屏覩巫  
 景仰有同心先後合節符火盡薪為傳庶幾懷永圖  
 余重刊海陵志於舊文毫無增損惟附此一詩以  
 志景懷先哲之意錫祚識

書名賢祠碑陰

陳琦

祠堂久圯喜光新舉廢誰云不屬人千載峴山曾墮  
淚州民爭識宋名臣

泰山碑

朱炳如

河間人  
鹽院

大道元來只共由莫將灑落易煩愁天機悟處防思  
鵠夜氣清時戒牧牛兩字良知非外致一圜太極豈  
旁求先賢倡道今猶昔笑向濂溪問正流

海陵春雨

曾肇

南豐人翰  
林學士

公事無多使客稀雨時衙退吏人歸沉烟一炷香陰  
重畫角三聲晚照微桑雉未馴慙報政海鷗相近共

忘機只將宴坐收心念懶向人間問是非

過泰州茅山

徐改之

興化人

颯爾蒲帆疾茅丘欠一遊寺藏深樹裏僧立古溪頭  
矯矯孤飛鶴飄飄不繫舟欲修玄豹業捨此復何求

寄吳陵章月鹿明府

陸君弼

江都人詞  
客

彭澤歸來臥自高江鄉風味晚偏饒翻匙日飽桃花  
飯恠得先生懶折腰

送李曲江庶常省親

李春芳

興化人少  
師

玉堂清望重朝紳負展還推獻納臣身在丹青偏戀

主情懸白髮暫寧親泥封降日人逢壽綵服歸時酒  
近春何用寶家仙桂勝一枝秀發映芳辰

送劉翼齋學博還海陵

申時行

吳縣人少師

高情雲外吏情疎解組歸田賦遂初春去海東畱竹  
箭秋來江上美鱸魚鹿門不斷煙霞侶栗里誰嫌蘿  
薜居聖世祇今褒令節卽看巖下有懸車

閱武喜而賦此

朱炳如

河間人鹽院

海濱將士氣蒸雲其道凌煙好策勲初試結營開八  
陣俄看奮勇冠三軍鈎弦九矢隨風迅躍馬雙刀耀  
日分江表長城知永賴倭平北顧尚勞君

吳陵竹枝詞

王之驥

州人諸生

菖蒲溝頭水濺濺蓮花池上月娟娟金盤擬薦銀絲  
鱸隔岸催呼白小舩

約郎載酒賞春臺郎跨青驄得得來笑指鬢邊春信  
早隴頭先折一枝梅

金波十里長菰蒲浪打飛花濕繡襦貪唱採蓮渾不  
惜蘭舟蕩入小西湖

秋風原上百草肥公子城南射獵歸桃葉馬飛珠作  
勒蓮花劍舞玉爲衣

風搖雜佩玉玲瓏橋畔金車處處逢女伴燒香來赴

約含羞同禮碧霞宮

蒹葭一帶小溪斜紅簇籬邊散晚霞知是吳陵二三月家家分得洛陽花

長歌行海陵署中贈郭仲滋王季安東雲駒雲

雜諸詞盟

來

復

三原人海道

南地暖于北首春過鴈翼鴈到秦關時秦關暖亦得江梅更早放香馥和風颺臘黃檐外舒綠萼盆中養却憶家園翫賞時瓊英雪瓣逞嬌姿藥紅已離桃期近寒重還憐鴈影遲是時釀酒有百甕是時製曲有百弄草漲綠茸蜂課新溪盡流澌水紋動經過吟咏

富詩篇幾處友生好伯仲華下諸子策馬來不肯到門祇題鳳只今勝事歇十年萍梗驅馳霜滿顛我戴進賢不稱意君乎豪氣亘霄煙亘霄煙捫南斗飛帆去訪六橋春停橈共醉吳門酒神遊和靖卜居前詩繼韋公題江後海陵使者吟興灰芳晨幸遇詞人來投我南行詩盈帙取看多于簿領堆使者唱和筆花開不覺徒媿大匠斲為勸諸君且暫留嗅梅莫向故鄉求逢鴈先教繫帛去須臾柳陌暖風柔定須劇飲兵厨麪生盡歸語華峰驕勝遊

清明日讌王宛委元戎於海陵岳王臺同用桃

字

今歲清明卽上巳纔舒新柳與天桃物華經眼憐人  
遠水國張筵據勝高春入籬墟開沃壤兵環堧海奠  
神臯卽非吾土逢談笑短曲饒歌任爾曹

種竹泰州署小詩二首告後之君子

種竹方纔三月餘笋抽盈丈葉扶疎宜晴宜雨更宜  
月隨意簷前把素書

若無百個只空堦冷落寒梅傍小齋幸我灌培添遠

韻只愁乾旱斫如柴署有綠葉梅一株甚盛

馭仲弟視余海陵投卽景詩十絕時余抱足疴

不寐枕上撮其意得五首

一日常餘半日間病夫藏拙海壖間孟陽有景王維

縉各出新詩燭下刪

斐几匡牀千古情橫牕皓月映梅清若無修竹盈階

長那得敲雲颭雨聲

數弓園址曲籬遮共醉公然當作家水旱關心童僕

課等閒栽徧廣陵花

性嬾客希宜地偏麥登秔秀兆豐年羨烹菜甲多新

種且覓家常菽水緣

蒸濕須教頻曝書珍携名繪卷還舒書難盡讀聊翻

爾繪不逢人且韞諸書卷後  
書王式小西湖畫卷後  
劉萬春

惟有西湖在錢塘練光黛色何微茫烟拖楊柳千堤  
翠風遞荷葉十里香側身南望隔楊子無因飛渡六  
橋水平生曾識兩高峰夜夜神遊清夢裡吾鄉亦有  
小西湖泰山之麓城西隅蛙鼓隔林空積蘚鴈沙連  
野剩殘蘆寧知得遇來陽伯身作江淮天半壁載疏  
載淪追禹功頓使湖波依舊碧碧流如帶更如環臨  
賞真同濠濮間宛轉橋通仙舫過菁葱樹待美人攀  
畫史王郎稱好手筆落冰綃堪換酒他時携向越中

行還能彷彿西湖否

讀海陵新誌是忠孕劉大叅手筆

魏應嘉 興化人兵部左侍郎

襟江帶海古雄州中壘新書更可求紀載有才追左  
馬闡微寓意比陽秋人文不獨冠南國形勝真稱控  
上游玉圃珠淵紛照眼一編把玩恣漁蒐

寓海陵閒步城隅口占時率諸子應科試

日日城闌興未休閒行漫立意夷猶水邊高樹陰將  
合屋角群芳紅尙稠藉草惟知娛野老杖藜免得遇  
公侯燈前繞膝看兒輩把勸何辭酒滿甌

孝寺前卽事

已多芳草地又過杏花天柳釀絲絲絮榆飛細細錢  
臨池摹聖字入寺問仙禪莫謂非吾土遨遊總暢然  
登城偶得

縱目睥睨上誰家花正開霞標高戶牖雪色倚樓臺  
恰與麗人會時看畫舫來春光共駘蕩席地欲傳杯  
徐明府母盧孺人旌節贈言

黃道周 龍溪人編修

圖經曾紀維揚美羅浮天目凌霄起千尺長松漫護  
風太君霜節亦如此太君之節世所稀芳名千古播

蘭芷一從神啓倦魂甦佞佛多年謝鉛水緝纜寒夜  
課青燈絡緯秋啼淚如雨六十年來老眼枯叱馭祇  
及維揚止三年健翮忽冲霄黃封報下明光裏節龍  
崔嵬高刺天紫誥馳封從此始

海陵水南竹里卽事

陳大對 晉江人前提學副使

傑閣華亭傍水開草茵花逕轉紆迴萬竿玉種鳴清  
籟半榻金鋪點碧莓元季方來成二仲梓橋踵接近  
三台伊余一水盈盈隔別後相思懶更裁

猶憶西郊一草堂瀟疎四壁瑤琴張清真地主重相  
約潦倒勞人底事忙桂馥尊前虛下榻松醪石上漫



生香殷勤寄語花間月留醉他時錦瑟傍

泰州

文天祥

廬陵人  
丞相

羈臣家萬里天目鑿孤忠  
心在坤維外身游坎窞中  
長淮行不斷苦海望無窮  
晚鵲傳家信通州路已通

過如皋

文天祥

雄狐假虎之林臯河水腥  
風接海濤行客不知身世  
險一臆春夢送輕舸

發海陵

文天祥

自海陵來向海安分明如度鬼門關  
若將九折回車看倦鳥何年可得還

鰕子灣

文天祥

飄蓬一夜落天涯潮濺清沙日未斜  
好事官人無勾當呼童上岸買青鰕

馬塘

文天祥

孤舟漸漸脫長淮星斗堂空月照懷  
今夜分明棲海角未應便道是天涯

大貼港

文天祥

王陽真畏道季路漸知津山鳥喚醒客  
海風吹黑人乾坤萬里夢烟雨一年春  
起看扶桑曉紅黃六六鱗

北海口

文天祥

滄海人間別一天只容漁父釣蒼烟而今蜃起樓臺  
處亦有北來蕃漢船

出海口

文天祥

一團蕩漾水晶盤四畔青天作護闌着我扁舟了無  
碍分明便作混淪看

又

文天祥

水天一色玉空明便似乘槎上太清我愛東坡南海  
句茲游竒絕冠平生

旅懷

文天祥

一自經行白骨堆中流失柂爲心摧海陵棹子長狼

顧水有船來步馬來

又

文天祥

北去通州號畏途固應孝子爲回車海陵若也容羈  
客賸買菰蒲且寄居

又

文天祥

天地雖寬靡所容長淮誰是主人翁江南父老還相  
念只欠一帆東海風

又

文天祥

昨夜分明夢到家飄飄依舊在天涯故園門掩東風  
老懊恨杜鵑啼落花

賣魚灣

文天祥

風起千灣浪潮生萬頃沙春紅堆蠟子晚白結鹽花  
故國何時訊扁舟到處家狼山青兩點極目是天涯

稽莊卽事

文天祥

乃心王室故日夜奔南征陷險寧追悔懷忠莫見明  
鴈聲連水遠山色與天平枉作窮途哭男兒付死生

又

文天祥

小泊稽莊月正弦莊官驚問是何船今朝哨馬灣頭  
出正在青山大路邊

過掘港營

文天祥

海口來屯數百兵貔貅嚴衛號精明驅馳每到長蛇  
陣駐劄無殊細柳營千里旌旄驚遠寇四圍戈戟比  
重城夷人未解將軍令石砲聲疑霹靂聲

寄贈胡先生詩

并序

王安石

孔孟去世遠矣信其聖且賢者質諸書焉耳翼  
之先生與予並世非若孔孟之遠也稱述又詳  
於書不待見而後知其人也歎慕之不足故作是詩

先生天下豪傑魁胸臆廣博天所開文章事業望孔  
孟不復睥睨蔡與崔十年留滯東南州飽足藜藿安  
蒿萊獨鳴道德驚此民民之聞者源源來高冠大帶  
滿門下奮如百蟄乘雲雷惡人沮服善者起昔時躋

跡今騫回先生不試乃能爾誠令得志如何哉吾願  
聖帝營太平補葺廊廟支傾頽披旒發纊廣耳目照  
徹山谷多遺材先收先生作梁柱以次畜架桷與榱  
羣臣面向帝深拱仰戴堂陛方崔嵬

寄海陵縣韓長官

鮑溶

吏散重門却不開玉琴招鶴舞徘徊野人爲此多東  
望雲雨仍從海上來

寄泰州曾侍郎

陳師道

八年門第故違離千里河山費夢思淮海風濤真有  
道麒麟圖畫豈無時今朝有客傳何尹是處逢人說

項斯三徑未成心口

間惟有白鷗知

自邇山倅海陵

劉攽

壁間金闕倚天開五見宮花落并槐明日扁舟滄海  
去却尋雲氣訪蓬萊

送劉貢父倅海陵

李清臣

給事中

吾儕客京師晨夕厭謹聒僦舍八九椽鬱溽增煩渴  
有如轍中魚噉喙不可活百鳥趨高門趁趨互揮喝  
論辨若難裁氣欲歛相奪所喪或捐軀所得未易撮  
我聞江湖間連山翠如抹山下走滄浪山巔富松栝  
鳧鴨亂菰蒲魚鼈聚坡場世事劇飛電人生真漂沫

誰其違樂遊而此就嘖額君直秘書閣日趨黃金闕  
忽思雲水行飄然詎能遏朝出都門東襟胸迴披豁  
放舟下淮楚天地頓空濶莫苦道路難暑今况已末  
君看日月疾俯仰換裘葛無謂監州微孔孟猶短褐  
時來發光華春陽奮枯枿惟君飽經術流輩服穎腕  
早作歸朝期豈學苙與筭

又

蘇轍

君不見阮嗣宗臧否不掛口休誇舌在齒牙牢是中  
惟可飲醇酒讀書不用多作詩不須工海邊無事日  
日醉夢魂不到蓬萊宮秋風昨夜入庭樹蓴絲未老

君先去君先去幾時回劉郎應白髮桃花開不開

詩付判官簡輔

蔣冕

湘源人  
大學士

謫宦南來又幾秋海邦凋瘵不勝憂相逢客路無他  
語說滂談荒淚欲流

又

一夜拿舟白海濱曉來相見亦情親病中因說吾民  
病疾痛須如在我身

別海陵陳掌教

謝源

福建人  
御史

我來至泰始相逢便覺斯文氣味同卓犖才華真士  
望堂堂狀貌實人雄我時傾蓋目相與道義之交情

自通長至光孝習朝儀我與先生同一宮海陵往跡  
談未了齒牙議論尤生風名賢姓氏能歷數節婦家  
聲知始終故我得聞先生言慨然有感思尊崇歸來  
須索志書考遂乃謀于太守公由是建祠與立坊市  
材鳩匠以興工人知我輩敦風化誰識俱是先生功  
先生本是世家胄西蜀移來湘水東奕葉簪纓世罕  
匹譜序曾聞敬所翁大學士蔣振鐸海陵幾九載甄  
陶士類教無窮蛟龍終非池中物鳳凰自是棲梧桐  
一朝徵書出九重會見冀北羣爲空先生遭此明盛  
時何所作爲澤疲瘡惜我不久與君別他山之石難

爲攻

寄海陵分教兄希顏

潘希曾

金華人  
水僕卿

目斷鴛原鬢欲霜那知此會復滁陽鯉庭幼學年光  
逝姜被秋同夜漏長歸夢遠隨賓鴈去素餐聊取婢  
魚嘗明朝驛柳仍愁折烟水吳陵正渺茫

送沈復吾任泰州學正

孫繼臯

無錫人吏  
部侍郎

不去公車籍聊爲捧檄行魚鹽通故國桃李艷春城  
楊子傳經渡門人載酒迎朋來看勝事片玉久知名

送冒少叅入閩

林庭樞

侯官人  
尚書

十年司馬託交盟此日臨岐不盡情白玉橋邊春萬

里紫薇堂上月三更相思有夢憑魚鴈麗澤何人倚  
鑑衡聞道海濱徵賦急願言膏雨沛蒼生

贈瑤湖王州守陞刑部副郎

華 湘州人光祿寺少卿

文旌高揭促行囊倚路梅花送舊香事向眼前知造  
化日從心上見羲皇鵞湖一脉分流遠魯國諸峯接  
地長爭說高門先有慶園墻六月定無霜

贈冒貢士鸞

李東陽 茶陵人 大學士

古道陵夷繼者希獨予才力尙卑微無成頗覺初心  
負未老先知舊事非今日中流須砥柱幾年東壁仰

餘輝期君合在風塵外干仞江頭好振衣

寄儲靜夫太僕

邵漢寶 無錫人禮部尚書

未出都門便憶君滄波渺渺海陵雲船如米芾誰當  
泊榻似陳蕃我合分塞北兵戈方用武江東尊酒自  
論文不堪盡鷓鴣催南發揚子灣頭日正曛

送冒明府謫教杭州

宗 興化人 副使

匹馬天風聽暮笳南歸尙醉故園花尺書在袖逢江  
鴈萬里揚帆似漢槎帳下談經餘苜蓿湖中對客半  
蒹葭錢塘歲歲春堪臥莫憶漁竿送玉華

西溪

山垠西北沙塵少水際東南風月寬盡日朱門人不  
到鳧鷖引子傍欄干

西溪牡丹

范仲淹

陽和不擇地海角亦逢春憶得上林色相看如故人

擷蘭爲窓友題

王俊乂

如舉人  
狀元

晨興涉蘭澤駕言思采芳淒淒歲云暮白露沾我裳  
及時不采佩恐隨蕭艾黃相求在同氣孰謂盈傾筐  
獨醒去以遠清風激沅湘

喜均田命下

黎堯勳

樂至人  
州守

誰捧天書下紫宸海臯草木盡精神而今鼓舞輪租

者卽是當年逋賦人

又

烹鮮海上又經春河內深慚借寇恂豈有涓埃能報  
主空餘琴鶴自隨身虛糧積歲追迓屋履畝從今稅  
富人稍喜流移歸滿路聽歌鴻鴈動比隣

頌郡二守林思泉祈雨有感

張承仁

明禋露禱一壇開香帛初臨好雨來沛決江河浮島  
嶼洗清寥廓見樓臺高田出水隨潮落晚稻迎秋徧  
地栽生意滿前枯稿潤君侯真是濟川才



趙長者詩 有序

王元吉

趙長者名禮字信夫泰州丁溪場人生而寬厚未冠父聞同里孟翁女有容德為聘之時女年十四矣初孟翁有子女輒殤天晚得是女鍾愛之及笄以目疾瞽翁病焉辭婚於其父父以長者長者曰不可父喜謂其母曰吾兒直有陰呂氏風後其昌乎既娶生子女十一人中子玉為水軍萬戶中年家益饒迎翁夫婦就養翁歿葬之猶父鄉大夫士咸稱趙長者云

淑女春蘭秀仙郎玉樹姿目從何日罄義守百年期  
團月開紈扇雙星結綵襦韜輝磨鏡匣流響蜀琴絲  
遂叶熊占夢旋生燕頷兒德齊中饋禮恩出外家慈  
蒿薤俄霜露蘋蘩數歲時留題長者傳庶望厚民葵

何氏雙節堂

劉蘭 府同知 人本

妯娌堪嗟失所天一門雙節世稱賢杯懷合卷情常在帶縮同心誓弗遷列傳每勞高士著褒章應待史臣編他年若作瑤池夢無愧良人見九泉

袁智周佩刀歌 并引

智周字道濟善醫世為丁溪鹵戶至正間父受戶甲非辱死智誓復讐陰佩刀伺問凡六年甲被他人害既亂有司禁持兵者刀棄之邦溝其終天巨痛則無時釋焉儒先爭嗜以文子作佩刀歌

鹵豪煮海地沸蒸忽報孝子蒼天崩被髮誓雲雨若磨白金一片陰壑冰六年泣血絳雪凝悲風淒淒常夜興妖狐戴髑鬼物馮含沙射中左右肱陸阻層坎

渡阻湖散歌獨漉氣填膺刀亦汝知龍梭騰神鋒寒  
芒鐔威稜仰號彼蒼奚曹曹斯須間隙不可乘坐令  
骨立枯厓藤墓廬青冷松明燈矧有母老鬢鬢破  
涕爲笑躬豆登無何仇家死棘矜臭肉馱  
天其假手俾世懲人生五倫首父子復讐義昭春秋  
禮見遺刑書著諸史宗元議足垂千祀倒行逆施伍  
員耻舞陽吉玃同轍軌老涉遲鈍勿超偉固關時命  
非偶爾嗟卿避兵家轉徙事往行存宜繕紀醪醢花  
香鯉搖尾癯然鶴行過客邸欲言復吞髮颯耳婢婢  
猶嬰慕焉已酒酣問刀首如七忍歸武庫投邗水小

收烟消靜霜葦電光霍霍無時起安得河伯以罇授  
烈士來舟積冤從一灑

袁孝子篇

梁寅

編修人

海陵袁道濟爲鹽丁貼戶其父爲富豪所凌鑠  
死非命道濟茹哀廬墓三載山東張輯爲之作  
傳前御史趙侯子威尹於是復爲上  
其事侯之子致本學於子因請賦之

袁孝子思死如生生欲死海鹽場上淚眼枯哀心無  
窮海之水誰云猛虎兇誰云長蛇毒咄爾兇毒人何  
獨無骨肉爾身雖齧斷腸已裂我腹父也啣冤螻蟻  
鄉兒猶飲食被服裳皇天昭昭運三光如山之罪胡  
可以掩藏暑臥埃塵寒臥雪霜狡兔躍我前野狐嗥

我傍父魂有知兒其處母存未忍兒身亡嗚呼天下  
幾人冤且苦孝子三年獨廬墓官書大字表門戶更  
願除却人間蛇與虎

石節婦歌

周洪謨

長寧人禮部尚書

女蘿托喬木誓保偕老期狂飈忽拔木女蘿將安依  
憶昔迎鸞辭內駢玉琴瑤瑟諧朱絃誰謂青天負薄  
命不教白髮齊喬年九原何處問泉路膝下孤兒才  
學步鴛鴦飛散暮塘雲芙蓉泣老秋江露孤燈吊影  
寒夜長促織聲悲機杼傍手持斷絲羞再續雙雙玉  
筍流空房空房寂寞守貞節離腸恰縮同心結篋中

白蠹蝕羅襦鏡裡青鸞愁黛月君不見巢父牛許出  
洗耳移上流又不見共伯婦柏舟自誓其荼苦兒能  
讀書著父衣妾應死草生春暉

高麗鼓

千年人已化三昧語空傳唐世碑猶在高麗鼓半穿

卓螯

王安石

卓螯肉甚美由美得烹燔鼓以無味棄棄之久能存  
予嘗憐其肉柔弱其咀吞又嘗怪其殼有功不見論

醉客快一嗽散投墻壁根寧能爲收拾待用訊醫門

野趣堂賦

梅

鵝

繁昌人戶部主事

淮海揚州乾坤草堂偉高人之玉立閱野趣于蒼茫  
機或飛而或躍心勿助而勿忘忽全體之呈露煥大  
雅之文章蓋其澡雪世氛剝落物累雲萃詩書春生  
肝肺卷舒天地之心凌跨人間之世近取諸身寸心  
百慮而一致遠取諸物萬象異形而同體其喘息呼  
吸也氣同於物其所以喘息呼吸也氣通於帝惟玉  
堂今天游覺冰壺兮月霽胡出戶兮知天粲舉目兮  
皆趣爾乃高明爲棟弘毅爲梁精微爲室廣大爲墻

曾哲先駕子思後驤駕風鞭霆歷覽無疆或超超太  
初或徹徹園方或泠泠元氣或纏纏毫芒或幽陰鬼  
秘或軒豁神彰或陽輝艷艷或涼月光光或迅雷殷  
地或甘露生香或神靈和氣降於山牡或豚風蜃雨  
發於海王千變萬化一陰一陽時乎春也紅葩火然  
素英字翻芊綿葱蒨窳窳迴環雛鶯乳燕蜂蝶差池  
其成粉宿香棲臥護東風興入翠微時乎夏也  
朱明遍宇萬物光鮮雜葩照燭衆彩相宣大柳起風  
甘棠覆欄虛薨沉沉皓壁娟娟羽扇不搖清滿南軒  
惟芰惟荷妖冶廉纖清風徐度香氣滿天解帶臨水

吾心爽然及夫金飈蕩後玉露凋初西皇爽氣自東  
而驅老桂裴回秋容新沐月地雲堦餘香剩馥黃花  
紫艷借寒互綠一杯東籬三徑西蜀至若玄冥按節  
瑞雪盈尺夜竹有聲朝堂虛白置酒褰帷飛軒憑虛  
洞壑在下玉樹交加如貞極元生天理乘除亦可謂  
極吾心之至樂而真味之紆徐者也嗟夫人寰鼎鼎  
塊圯難齊或瓊琚玉佩或煙簑雨犁或集苑而笑或  
集蓼而悲或還復明月而泣或翻濁河清而瘞古瑟  
淒清或寫怨於神女飈車浩蕩或寄恨於安期或橫  
倚天之劍而無辭手藉或挾濟世之舟而有意天稽

世態多方最難究者物偽人情億變所不改者天機  
而能謝彼紛紜凝吾精神盈縮造化吐納顛冥不貪  
軒冕而踐夷曠之域不出戶庭而獲江海之心序閱  
四時之勝節宣萬物之情使夫上天下地森羅萬象  
或以竒正合離或以妍媸下上或以濃淡縱橫或以  
華佹摩盪高深互呈心目相狀風雲月露吾之清潔  
飛動也草木禽魚吾之妍茂奮踴也邊色閨情吾之  
慷慨而悽淚也車馬弓矢吾之馳騁而悲惜也油然  
者吾善之機泊然者吾藏之用也闔者靜闢者動而  
不動不靜者吾之統也陽明芳香者仁之條也幽陰

秦州志 卷之十  
凝肅者義之分也沛然而流者恕之推而存之不欺  
者忠之蘊也大哉野趣之義乎伏羲得之而遠取近  
取曾點得之而灼見大意子思得之而鳶魚是察茂  
叔得之而庭草交翠希夷得之而花鳥皆春堯夫得  
之而雪月皆理伯淳得之而雲淡風輕晦庵得之而  
千紅萬紫蓋自文公之後三百餘祀而后儲伯雲崖  
得之以作野趣之堂弄丸遊戲於戲休哉吾是以賦  
此

鳳凰墩賦

潘鳴鳳

海陵之邑文獻之邦甲第纏聯而繼美英才輻輳以  
弘長麟麟炳炳喬喬皇皇說禮稱詩固君師雅化而  
成俗握瑜懷瑾亦川嶽鍾秀而降祥間閱輿圖博觀  
州誌覺宮之中園橋之際四圍華表嵌玉石以塗朱  
一道清流分淮瀾以繞翠植以芹藻間以荷芰環抱  
一墩巍峩孤峙豈夙號鸚鵡之洲卽今名鳳凰之地  
名何取也意有在焉念九苞之呈異瑞兆二儀之產  
英賢故欲並紫庭而並著因恩與丹穴而同觀寧昔  
有授璽御圖之遇今反無棲梧食竹之緣爰培龍門

之萬株種衛濱之九畝霞蒸日映球琳之實同珠雨  
 護烟迷碧玉之柯若堵待雙鸞之將翔會百禽而聚  
 舞千仞其來五珍可觀似此呼名非樂聞於棄世之  
 輩如斯稱謂或得慰乎憂時之人若夫楊震開堂馬  
 融設帳接引而來攀援而上義理闡揚詩歌跌宕文  
 峰在前羅浮在望翠嵐則駝嶺霏微蒼波則西湖蕩  
 漾烟火千家雲山萬狀巷誦塗吟樵謳牧唱聞見豁  
 然而新心神悠然而曠乃知堤楊岸柳莫非染藝苑  
 之宮袍并李山桃盡是出杏壇之支派信毓秀於此  
 墩媿鍾靈於泰岱洵名勝之大觀實斯文之攸賴

儲烈婦詩 有序

顧溥

秀才儲濯之妻陳未亡人也年甚少家貧抱遺孤  
 隨一老媪寄居父之從房針線自給逆奴某覘媪  
 出覓柴米脅以刃陳悉力拒奴膚寸寸見指爪血  
 痕奴益怒加數十創陳遂死於竈前之水缸而奴  
 左右顧呆坐莫能逸媪歸陳復甦從缸中起指奴  
 示見殺狀遂驚集家人縛賊送之官而烈遂長逝  
 太守魏公詳憲聞於朝予以公務之海陵知已  
 尸賊於市值 旌表落成太守設祭余驅車其下  
 感而 賦曰

薑桂未老性非蔓草孤兒黃口同穴難早鳴鴉日屬  
 欲蠱黃鵠烈哉陶嬰義不可辱决脰陷胸慷慨櫻鋒  
 不畏刃白何有血紅下從所天可報黃泉呱呱在膝  
 半塗息肩逆僮梟首雷驚電走匪躬之故天地不朽

大哉 王言無佞爾魂寒塘蘋藻停車薦焉

送宮紫陽歸海陵

宋 琬

翡翠巢蘭苕瓊枝棲海鶴君子秉遐思翱翔慎所託  
高冠撫長劔馳馬游京洛袒褐揖公卿絳灌爲之忤  
太息昭王臺黃金久寂寞拂衣駕言邁去去青門郭  
良朋別路衢客子行復卻燕趙異疇昔濁酒猶堪酌  
古來羨豪達會不羞翟籥繫爾青驪駒懷哉咏場藿

又

驚風飄朔葉元鳥鳴中林豈無稻梁志浩然江海心  
借問客何游言返故山岑平生懷五嶽杖策將幽尋

褰裳欲從君畏此長淮深相知在顧盼豈必投兼金  
何以叙綢繆三奏朱絃琴宵征易水上勿爲霜露侵  
惆悵薊門客俛仰嗟陸沈

送宮紫陽歸海陵

龔鼎孳

从客知歲寒日暮知他鄉駕言返故廬悲風相慨慷  
登高眺大陸我馬方元黃長跪告執綏斗酒當盈觴  
壯夫志萬里胡爲急晨裝鴻鴈已南蹈執轡愁雨霜  
雙闕鬱岹嶢百感迴孤腸一奏伏櫪歌天地爲低昂  
君子勗令名達人娛景光

又



荆璞棲巖阿物以知希珍時運有往復傑士寧長貧  
入燕弔漸離遊趙晒劇辛深懷管樂志絲竹怡芳晨  
高鳥得安巢潛龍無損鱗尺素墮雲中馳情若比鄰  
上言樂未央下言思故人

甘烈女詩

鄧漢儀

孤雁號空陂貞女守敝幃伉儷既以定生死無乖違

解一孤雁未有匹貞女未有室比之于伉儷那得言膠

漆解二媒氏既通辭父母既心許此身已屬人周易重

男女解三嗟哉甘家女曾許冷家兒雖許冷家兒未為

冷家妻解四何意訃音至冷家兒溘亡父母情無言女

痛摧肝腸解五三日絕饗殮三日毀粧飾一旦懸絲繩

四壁無顏色解六太守遽聞之命駕造其廬雙旌為黯

澹五馬為踟躕解七焚香拜靈櫬鄰舍咸嗟吁奈何小

家女辱我使君輿解八使君自泣郡乘禮而化民風草

有不應首及荆布人解九上書臺使者冀邀天子恩

女名重青史女行光里門解十靡靡海陵俗浸浸桑濮

風從今朱閣裏各自求雌雄解十一

又

張琴

矯矯甘氏女芬芬蕙蘭質亭亭生茅茨澹澹倚秋瑟  
十三語從容十四髮髹漆十五工刺繡十六慎入出

媒灼奉羔雁僮婢陳棗栗輝光爛中庭謂爲冷郎匹  
冷郎何乖蹇數載嬰羸疾伏枕就俗醫苦乏倉扁術  
女跪爺孃前事已如此日女欲親調藥庶得萬分一  
爺嗔孃亦怒謂女難去膝女聽不敢言悲風聞慘慄  
冷郎扁舟還訃至竟已卒女淚密如霰向夕一命畢  
鄰里告使君使君甚坦率哀吟爲良久軒車請入室  
堂下列羊豕堂上供籩實長揖奠烈女烈女屈  
觀者似堵墻嘖嘖嘆羨訖以斯風一邑塔以律  
更有蕭烈女遺事亦堪恤較其情與味黃柑與盧橘  
蕭女許滕生未獲侍巾櫛一旦生云殂摧心涕溢溢

誰使一朝新有來魏萊蕪萊蕪名進士修復理匪誣  
表端影方正先賢後所模不見新安翁所泣罕夷途  
韶州及漳州祀典徒區區以茲覘良牧瞻顧興長吁  
不然此公祠經營到構櫺此公邦所產俎豆情固孚  
尚有范希文奇功生禹愉廟貌或不飾藉君仍謀諏  
秉爨有同好疇其琴竽向後紀君績赫若沈何巫  
名祠留四所邈與梁公符何如伴食流千級造浮圖

又

潘鳴鳳

盛時崇道德仰止在醇儒安定久彌光丹旭照天隅  
蛙聲不干律紫色豈移朱經義兼治事終古振艱虞

卽今數百載師範著蘇湖淮海屬鄉井嚮往擬電趨  
 建祠在城角聞風愛敬俱歲久圯欲修莫爲先矢謨  
 斷碑卧野田蔓草穿戶樞蒼涼空夕照感歎動交衢  
 世人愛蕭艾誰解識蘼蕪風行必自上相感信非誣  
 幸賴賢太守邦人奉軌模經義闡幽境治事遊坦途  
 雅士營管城閒農耘芋區父老親化日扶杖動慨吁  
 與古合其德捐俸新構櫨經始旋落成明冥志交孚  
 鳥鼠畏其迹工師心亦愉芬芬陳燔炙瞻拜爰載誨  
 童冠欣有事樂具及笙竽相感在神明豈屑勞僣巫  
 崇儒心獨苦化俗鎮乾符勤除階下草莫使蔓

又

張鰲

安定胡夫子千秋表大儒宋代衣冠士設教海陵隅  
 兼愛關墨翟爲我非楊朱實學居高遠譽非處不虞  
 有化行關閩有誨及蘇湖多士因爭仰尋師接踵趨  
 治事和經藝體用却兼俱一旦立朝宁入告獻嘉謨  
 不乏從遊者登堂望斗樞惜哉人世久空祠達道衢  
 芳碑猶自在地境頗荒蕪幸來賢太守理學信非誣  
 景行崇正道仰止美規模只爲生東魯心法得同途  
 觀此傾頽象慨慕豈區區四顧低回留不禁發唏吁  
 忽欲興舊典忽欲新棟櫨卽日遂鳩工工多不戒孚

廟貌重加盛一邑盡歡愉士子咸思集名宿盡前誠  
鐘鼓常應瑞祭祀奏笙竽從此文人眾功由魏大巫  
從此頑懦振奮志有同符猗歟事不泯軼世美良圖

周公舖

沈龍翔

曉發茱萸灣晚宿周公舖舖上有居人不是當年路  
三月海陵官千載周公舖立功貴及時何用終年住  
西有召伯埭東有范公堤中有周公舖芳名萬古齊

出州南門沿運河折而東十五里為塘灣兩岸空  
濶潏泮無人迹為荏符藪往來舟車久成畏途如  
臯知縣周公鼎鑑攝州篆甫三月即損俸建屋四  
十間募民夾河居之行人恃以無恐遂呼為周公  
舖口碑頌  
之不絕

贈節孝

袁念巖

十九初出幃明月吐光輝入門供湯藥塵垢暗娥眉  
三年殞所天庭中啼妖鴟高堂與襁女忍死相扶持  
河伯毀田舍環堵風雨凄青燐照流黃勉力供饋飽  
大耋偕老親魍魎攫嬰彌苦節世所難貞孝永不移  
艱辛七十年白壁無纖疵何以蘭蕙質成此松柏姿  
天柱有時斃芳馨萬劫垂女訓閨中聞彤管有榮施

甘烈女詩

宮夢仁

女之靈兮何所女之節兮獨喜佩椒桂兮無言餐冰  
雪兮終古錦鴛未匹兮深幃雲車來迓兮江渚竟絲

繩之畢命兮冤杳杳而孤去使君歎絕其貞操兮降  
于旌而弔下女招靈爽于白日兮陳牲醪而擊鼉鼓路  
人聚觀而泣下兮隣女紛其環堵諒珮聲之未遠兮  
獨哀援兮暮雨自今春秋之莫祀兮永用採夫芳杜  
重刻宋賢梅花詩和韻  
杜光先  
有宋人文名不槁留題到處羣傾倒鴻章秀句付雕  
鐫歲久沉埋人增惱自古名蹟以人傳寧獨東閣梅  
開早太虛高唱和者稀二蘇參寥方比好萊蕪先生  
綰綬來修廢舉墜俗塵掃重勒四賢廢和詩挾出豐  
城劍氣老不似當年沒字碑春風吹又生春草芙蓉

情署亭浮香暗香直欲凌蒼昊

蔡孝女歌

司訓曹

濬

自古在昔日有女名緹縈上書救父刑後有木蘭女  
從軍替爺征迄今千載下蔡蕙齊令名蔡家有女名  
曰蕙養在深閨年齠稚初披雙髮不覆肩纔學女紅  
粗識字阿罷孕琦罹仇口羣嗾紛曉嗟束手書生卷  
舌爭不得身邇金木犴狴守孤憤抑鬱無時申佇見  
難全身與首淒淒復淒淒弱女斷續啼憐女無兄弟  
憐父無男兒憐父抱沉冤憐父無支持痛哭禱斗母  
兩泪珍珠垂夏不驅蚊虻冬不着絮衣朝不求飽食

夜不卧床榻橐餽力經營出入慎筭鑰  
太平天子東南巡枯草驚回寒谷春決計陳情遮輦  
道萬死一生死亦好父命如絲懸女命如危絃父命  
朝露晞女命霜葉乾但願父生還女命甘摧殘母弟  
挈我行相隨涉長江涉江逾京口夜宿毘陵城毘陵  
孤月照愁黛鳧驚扈蹕萬騎如雲行瑞雲開曉曙淑  
氣亘中天輦度垂楊路旌飛紅杏烟牙檣上鳳舸  
錦纜引龍編青天驚水破孝女墜沈淵搜得胸前帶  
血疏

天子親披玉案前

聖度乾坤廣

天恩日月懸疏中纏綿兒女語嗚嗚咽咽涕血漣疏曰  
臣蕙昧死上父琦枉繫經歲年願代父死贖父生臣  
妾雖死瞑目遊重泉

天子惻然下明詔勅爾有司驗琦寃

天子下有司有司發案牘案牘森如麻言言皆誣服有  
司奏

天子

天子坐明堂釋爾無辜囚賜爾生還鄉父女相携  
歸携歸步跟踰眾口氛霾散

君恩日月長悲生事如夢喜極泪成行父歸讀故書女  
歸事鍼綫父歸力耕鋤女歸守庭院父歸生阿弟祖  
脉延不斷祇緣悲懼摧肺肝鞭心嘔血難成痊一夕  
夢神嫗兒病久縣延亟當隨我去驂鸞返瑤天溘逝  
在 一日香名著千年鄉里報官長官長列其詳仍爲  
奏

天子

欽賜建高坊危牌大石當孔道龍章鳳篆題輝煌自古  
生男勝生女生男勿喜女勿怒但願天性常不泯女  
勝於男今炳炳緹縈木蘭先後師虺蛇誰謂非熊羆

何爲平貴璋與賤瓦願爲疾呼溺女者

吳門四節婦歌

魏錫祚

誰言茶味苦不忍爲其甘誰云松柏孤輝映山之南  
誰云大節少四婦成美談撫孤代嫡哺三鳳紉絲五  
夜荒雞動但使此心質九原寧惜此身飢與凍子旣  
生孫孫早死善嗣徽音沈家女芳齡二十悲淒風啼  
斷鵲枝漬血紅手抱孤男纔四月二老龍鍾髮如雪  
有姆有媪皆少寡繼嗣相依淚同灑鞠凶所降在一  
家青天無月春無花慘澹經營廿載餘四月雛男偉  
丈夫有婦有孫遶膝下婦能色養孫能呼一朝揮手

到黃泉鬼繞青霜金石堅子籟天閭邀綸綉楷  
模閣閣人爭傳嗟乎桃李但經水霰槁松筠亦愛春  
光好能禁水霰是松筠遂覺紛紛桃李松筠少

辭郎河古意

潘鳴鳳

孝子丹忱格旻天傳聞仙媛締塵緣一月織縑三百  
匹持向主人償萬錢功成事畢辭郎去縹緲雲駟不  
知處千秋明月照西溪緱氏山頭鶴未歸

古松吟

劉靖

城南十里江村路江水灌河日東注尋春有客溯河  
流河邊都是垂楊樹樹裏聲聲雜雞狗舟人指點寺

巷口板橋東去問山居翦鬱幾難辨林藪主人有客  
入衡茅客撫千章延佇久回頭却視樹如烟風雨離  
迷蔽遠天為言此地蒼松古斷碣荒坵不計年因向  
松陰冒雨走走過麥疇三五畝半空寒綠偏鬚眉不  
顧淋漓但矯首周遭一望十五株俯仰向背意態殊  
老虬屈曲蟠頭角層鱗蝕鐵儼剝膚烏鵲不敢巢上  
有天風颯颯如奔濤牛羊未許牧下有地祇冥冥護  
林麓須臾索酒一開襟吉氏山莊春草深醺後狂歌  
興勃勃揮毫各寫古松吟古松吟余技短座上在前  
珠玉滿常司馬李徵君我讓詩人兼酒人就中領袖



卷之十  
三  
究誰是司馬才高筆有神時維三月三十日半爲看  
松半送春

重建浴沂亭

陳堯銓

赫赫舊泮宮泮水千年碧中有浴沂亭傾頽成廢蹟  
滄棗幾變更茂草鞠爲宅誰爲弔古今誰爲重修葺  
何緣司鐸得吾師卓哉斯文振起時救敝扶衰尋舊  
址鳩工庀材樂捐貲畫棟嗟峩倚半空朱欄面面襲  
清風清風吹繞地荷颺夕照穿簾隱斷虹淮流千里  
環其側面拱山城高巖崩斷橋迤邐接文峯翬飛兩  
閣邊相偈田園疎密列東西處處凋孤似掌齊春來

竹木森森秀春風桃李總成蹊四顧亭池清且潔竹  
苞松茂磐根節鳳池烟鎖綠楊枝雨晴駝嶺邊峯列  
主持風教賴有人晦明風雨任艱辛一朝輪奐美重  
新悠悠千載實嶙峋

重修胡安定先生祠

潘葆光

先生堂奧承東魯學兼體用橫今古經治兩齋育英  
才蘇湖教澤震天府明禋共仰崇儒祠祠圯那能避  
風雨欣逢 太守萊蕪公特出俸錢修棟宇雙雙老  
樹重生色金碧輝煌羣映睹蒿萊復見講堂新吾道  
振興得宗主統領多士溯瓣香衣冠瞻拜隆樽俎從

今內聖與外王人才輩出更僕數 聖朝最重菁莪  
化行擢我公居弼輔

萬壽詩

康熙五十二年進

臣

宮夢熊

治民勞

帝眷祝

至本民心大化兼天地勤思徹古今萬年宏寶曆八極  
沐甘霖歌舞歡童叟生成戴 德深

其二

元后勤宵旰高深滿太和漸摩欽化育歡感入絃歌  
上錫民生樂羣祈

帝壽多靈長綿景祚中外沐 恩波

喜雨

褚世暄

昨夜雨霏霏平原接翠微青添荷葉重綠潤竹枝肥  
野鳥歌芳樹游魚戲石磯歡欣遍四野擊壤樂忘歸

遊某人園亭

褚世暄

名園多異卉乘興一登臨雨過魚鋪錦風來竹弄琴  
尋幽穿石徑課鶴卧松陰忘我勞形容悠悠生隱心

九日登樓

褚世暄

獨卧層樓久登臨放眼明科頭無帽落農事有秋成  
夕照雲生彩平疇菊吐英蒼茫烟樹外瑞色是神京

北山寺遇雨

程瑞祜

破寺驚重葺苔荒屐始經犬聲迎客慣松色逼人青  
雨過郊原綠龍吟草木腥晨鍾毋浪擊塵夢有誰醒

西莊雜興詩

程瑞祜

游民阡陌少比戶事農功鷄黍貧家意茆茨上古風  
饔飧愁歲歉婚嫁賴年豐得雨良苗好懼騰萬井中

又

陰雨寒將至田家早授衣木棉豐歲賤井稅海鄉微  
稻獲知農足秋深識蟹肥西成饒樂事婦子各依依

又

一望村莊好星羅近萬家未曾離市井只識話桑麻  
風俗醇猶古園林靜不譁牆頭餘隙地還種幾叢花

海陵水災紀事

程瑞祜

浪裏逃生出紛紛盡入城魚龍蟠窟宅鄉里失柴荆  
牛向街頭賣船從樹杪行可憐終歲苦不復望秋成

又

此鄉成大壑河決衆流歸十載民重困三冬食竟稀  
水頭來不盡海口瀉偏微匝月還如舊連天雪浪飛

題劉節婦嚴氏苦節錄

史貽直

黃鶴堅心志倫常在一身瑤池古冰雪蒼岫舊松筠

壺範鄉邦重芳名歲月新海陵留他石苔蘚繡千春

隨 駕謁 陵望功德寺 林 春

招提望北極羸馬怯途長古樹依僧定青山笑客忙

麥苗經眼碧花片點衣香自漸陪法 駕敬職誦無

荒

懷黃仙裳 劉應祚

故人千里外計別十年前筆墨有真趣疎狂無俗緣

自知廉吏拙深憶隱君賢惆悵東山路歸依蘿薜烟

過胡安定廢祠 鄧漢儀

老樹峻嶒極人傳舊講堂兵戈一橫厲祠宇盡荒涼

蟋蟀鳴頽瓦鼯鼯竄短牆怪來仙釋地金碧盛輝煌

秦阜 張 辰

壤土成山勢江城一望中樹平春野綠花染夕陽紅

高閣因天厰殘碑倩草籠登臨悲往事烟靄暗西東

小西湖 黃 雲

泉壑耽幽勝名園屬太即為逢良燕會同上岱雲樓

澗落危橋晚鶴鳴霜樹秋前隄燈火起一一尚賡酬

送州牧王文山先生歸里 王孫驥

來暮歌方遍如何忽唱驪兩年為衆母一字亦吾師

解組人歸早攀轅馬去遲棠陰留草舍歲臘繫還思

將任秦州奉 旨引喜 見恭紀 天恩七言律詩一章 九重宮闕紫雲間 何幸叨隨 睿訓春溫秋肅觀

天顏龍章煥爛風雷擁 寶賜輝煌霄漢頒 稽首 彤墀思報稱 聖朝恩澤重如山

海子演師應 制 乙酉 臣 宮夢熊

聖人親駕九花虬 農隙觀師武備修 金甲麗雲騰虎豹 霜戈耀日整貔貅 萬方寧謐 天威肅四海清和

帝德周寵 扈習知增遠畧 臣引領戴 皇猷

湯山應 制 乙酉 臣 宮夢熊

曉隨仙仗出 楓宸律轉陽和 景物新豹蔚鷹揚 齊 翊翼山瑤海翠 供時巡龍騰靈液 春波潤人沐殊恩

帝澤頻何幸 微臣沾雨露 獻詩獻祝 倣堯民

秋海棠

施世綸

鳳城十月小春光仍許秋花開海棠冷艷更深憐有  
色品題未忍說無香嬌含微雨佳人並醉倚輕霞公  
子傍睡覺碧紗窻裏月却疑永夜有紅粧

早朝

林春

長安月色馬頭明遙聽雞聲滿帝城綠樹陰森溥早  
露銀河影耀帶殘星鳳樓鳥語喧歌吹象魏龍旂雜  
珮聲翠幄重光瞻拜近肯將舊學負初心

芍藥

施世綸

只爲多情別却春千花落盡始含顰東風乍上芸香

閣暮雨時登錦繡茵金屋巧藏巫峽女銀餅高貯漢  
宮人一枝艷質風流在相贈河須到涓溱

孝女詩

褚世暄

坊建巍峩巷易名蔡家閨閣續緹縈冤從黑海分清  
白身赴黃泉呼

聖明臣妾代親唯一死

君王教孝勅重生中天雷電群氛散啼笑歸來父女情

咏泉源石壁

陳厚耀

奠定新開繼禹功九州域外碧霞宮千尋削壁儼鋪  
玉百道飛流似吐虹天獻奇巒多瑞景神輪太液匪

人工欲知萬象無窮意盡在三才變化中  
題正女楊善正 王民皞

盈盈十五誓冰霜不識夫容哭未亡  
冷瑟無絃風咽恨栢舟有賦鏡埋光  
養姑緝緝蓮心苦賣志淒清玉骨香  
三十年來肝是鐵好留青史振綱常

弔袁正女

單一鳳

浮生苦樂樹花飄難得芳名百世標  
天上赤繩虛月老人間清譽薄雲霄  
正魂貫日輝千古烈性如山壯聖朝  
一片冰心沾澤露夕陽青塚悼漁樵

喜雨為魏長麓太守賦 王晉原

手拱銀河瀉九霄驚飛雷雨接江湖  
半空潑墨魚龍起萬壑垂青黍  
稼饒螟螣暗隨陽沴散芙蓉新映水  
痕搖誰司靈雨蘇羣槁岱岳興雲沛  
澤遙

學博徐南村先生延余課子椒升癸卯季春赴

省應試題齋壁

一天雲勢擁奇峰萬丈文芒駕彩虹  
龍見初行梅節雨鳳飛遙舉麥秋風  
彈衣柳霧沾新碧映酒榴霞簇曉紅  
最是鶯聲催特賜櫻珠擎出蕊珠宮

退思軒新成限韻

褚世暄

經營幾盡一軒中渾朴無文四壁空  
半榻清風鄉夢

冷兩年離思石榴紅省身有意惟書帶補過何能恨  
轉蓬但得微誠通感格黃霾倏變雨濛濛  
曉起看日出

璀璨彤霞斷復聯火輪湧出樹稍懸光浮紫闕輝霄  
漢清徹金微映遠天桃醉曉風嬌欲語柳含曙色弱  
收眠枝叢宿鳥拖烟去上下翩躚互占光

雙綖穀

褚世暄

青野油油頌太平嘉禾滿目兩岐生祥光縹緲迷阡  
陌瑞靄繽紛繞赤城一本不分連理共千郊雙結翠  
珠橫小臣特此稱

皇壽北闕欣添籌萬莖

重建浴沂亭

徐義

宮牆巍煥接城闈亭繞廻欄舊宇新曲水東流樹隱  
現晴霞晚照塔嶙峋當年盛事來驄馬此日傳經集  
鳳麟慚愧絳幃多指授好隨童冠浴三春

其二

思槐堂圯念崇文百歲亭荒復舊勳影落橋門雙壁  
合窓開山寺遠鐘聞春風桃李開芳徑曉日鸞旂映  
瑞雲仰止河汾沾教澤登臨多士頌清勤

浴沂亭

俞維植



塢頂冲霄映泮池常如筆影寫坤維文風累振迎淮  
水亭榭新傳建浴沂一色蓮花鋪玉闕兩行鴛鴦繞  
形埤 聖朝際會需良相竚看鰲頭起躍時

浴沂亭

黃鸞和

少女風當停午清快哉此樂迴難名涼從近水空中  
起雲向遙山缺處生桃李亂陰浮茗椀芰荷香氣土  
軒楹晚來一雨渾難寐無數池蛙不住聲

海陵重建望海樓

鄧漢儀

海郡東偏鬱大觀畫檐朱戟碧雲端正宜番舶漁檣  
入不盡蠻風島雨寒誰使沙洲紛戰鬪遂教樓觀倏

凋殘行人驅馬城頭過愁向雙柯數箭瘢

舊址今尚存老樹二

此地非同歌舞場文星竟夜燭天閭應增樓閣符形

勝忍見荆榛老夕陽築舍數年羣議費建標一夕萬

夫忙會看百尺峇巖起海賦新成壓大荒

皂蓋朱幡江上來蒼茫風景接蓬萊可餘博望乘槎

去昨報戈船下瀨迴全盛輿圖憑漲海太平郡國有

樓臺休言土木非天意畚鍤旋轟地底雷

建幢之日雷雨大至

新晴泰山春望

劉靖

晴光漸入杏花天抖擻探春上絕巔雪岸亂流歸壑  
水寒峰初散隔江烟帘搖疎樹村中市網罟斜陽郭

外船安得雲谿北麓下貫休容我共臞禪  
花朝後二日泰山晴望 劉靖

春光浪擲過花朝且曳尋山杖一條遠岫淡描新黛  
現微風輕度薄雲消半灣鴨綠浮波面幾縷鷺黃入  
柳腰好景謾云攜不去望中收拾貯詩瓢

其二

老眼逢春轉覺明四圍晴色面開生萋萋草碧粘天  
碧淡淡風清約水清有句欲求黃鳥和無拘却美白  
鷗輕林端月上忘歸晚韻事僧厨備酒兵

清風閣

用曾太守致堯韻

張音

高閣風清人更清風前尋閣憶芳名多時人共梅花  
老何日風隨桂蕊生乍泠泠來驚藪澤長飄飄復下  
檐楹可憐到此空荒址惆悵松蘿鳥雀聲

小西湖

張音

當年畚插事紛紜鑿就湖光兩岸分依水置亭通畫  
舫呼朋命酒賞奇文樹聲響處疑來雨山色開時似  
去雲悵望只今成僻壤啼鴉荒草伴斜曛

題春雨草堂

余懷

流水荒村第幾橋一亭春雨草蕭蕭尊開北海遲新  
月船過西湖帶晚潮人為窮愁多著作地因征戰罷

漁樵杜蘅芳芷繚天末鶴放孤山不用招

流木又林深幾許一亭春雨草堂周亮工

聶公小築在銀灣檻外時看鷗鷺還半畝惟欣春雨

足百年只愛草堂閒空餘几隱稱南郭未有文移自

北山一過嶺頭十六載聞君歲歲戶常關

當平又詩事錄卷之十 王士祿

直從高枕狎漁樵客至無須倩鶴邀接檻幽燈梧夜

碧沒磯新漲雪初消遠山對酒時憑几斜日行吟偶

過橋一曲鏡湖堪白老芷蘭濛眼罷離騷

又

入夏高風前長閣謝式谷人共

雨霽青山映草堂春波分綠上垂楊聽鶯選樹那愁

寂藝菊開畦太劇忙花嶼夜漁通野響木蘭晨露墜

初芳若為點筆幽吟處苔長松陰白石牆

甘烈女詩

許承欽

華襦朱結已心親誓不移天殉乃身歸窆竟同曹令

女無言羞傲息夫人如蠲巾幗真烈士倘借鬚眉必

蓋臣良牧闡揚敦圃教千秋坊表傲松筠

崔兵巡三妾苦節詩

楊大芳

堅辭桃李對檀欒苦節清風百尺竿半世榮華餘瓦

鉢前生福分了蒲團舞衣換得緇衣冷雲髮甘從剝

髮寒我輩休輕孤苦寡但爭當局與旁觀

西山寺尋辛未年讀書處

雨餘芳草見斜陽着屐重尋選佛場舊犬迎人歸院  
落雛僧引客到繩床竹穿蘿逕蒼烟暝松老經堂積  
蘚荒銀杏陰陰還似昔幽吟可許任徜徉

其二

行來彷彿是山家藤覆柴門老樹遮三徑竹風聲似  
雨滿庭秋色爛如霞寒衣未授砧偏急旅病初瘳興  
漸賒適意溪橋閒散步狂吟不覺日西斜

王子隅先生入賢祠志喜

從來富貴鬼都賢今祀先生獨不然東郭破書遺陋  
巷北邙衰草沒荒烟明禋無愧羞蘋藻父老羣趨醉  
几筵公語百年歸白屋中丞刺史總堪傳

徐孝女

王晉原

額髮初垂十五時一心救父有天知倉皇無計尋神  
草涕淚臨窓剗玉肌片片香雲疑雪蓋霏霏靈雨潤  
椿枝璇闥便是娥江路那用中郎幼婦辭

甘烈女詩

段振蛟

一死方成烈女賢未逢夫面更堪憐冰心不合人間  
沓玉骨甘殉泉下緣萬古綱常閨閣重千秋名教海

陵傳貯看 寵詔光門里詎令名隨蔓草湮

議復靖海樓 宮壽平

東南形勝峙神邱文物由來最上頭何事高臺空茂  
草幾人長嘯漫登樓斗牛尚有衝霄氣棟宇能無借  
箸籌他日丹梯憑眺好海天一色望中收

賦泮池筆影 王礪品

清淮流入泮宮前影落岑樓彩筆鮮遠巘數峯堪作  
架綺霞一片卽爲箋揮毫五岳搖空翠濡墨千江失  
暮烟忽見芙蓉開鏡裏江淹幽夢此中傳

五月泰山岳祠聞杜鵑 鄧漢儀

高原古廟夕陽西碧樹陰陰謝豹啼呼徹孤忠汀月  
照哭來望帝楚天低金縉誤國原南宋骨肉無家更  
五溪欲拜遺魂愁血盡年年芳草自萋迷

浮香亭 俞維植

泰堂明月駐循良官閣梅花繞署芳召杜仁風今復  
見龔黃善政載歌揚海濱頑梗知風化澤國亨嘉稔  
稻糧力補遺編修盛典功成不朽大文章

施州伯重建靖海樓 黃雲

形勝東南最上頭時來依舊湧丹樓已無海氣浮鯨  
鱷自有奎光射斗牛築址忽逢雷震發建標爭指鶴

羣遊憑誰再啟嘉祥運五馬榮兼萬戶侯

其二 黃泰來

形勝連雲雉堞頭重修井幹起飛樓仙禽似兆鳴鸞  
鳳營室新看映女斗喜有朱輪興復切何勞候馬往  
來遊如今瘴海妖氛靖一將功成盡列侯

太守施公倡復靖海樓 同人建旗豫慶 楊瑚璉

當年舊蹟在城頭 太守乘閒議建樓瑞應高標來

白鶴靈鐘喬木走青牛為刪秦莽尋遺趾得際風雲

選勝遊山外一聲雷震發化分時雨賴賢侯

又 潘晏

海霧東連苦樹頭幾年不見舊時樓高 彩光插

日勝地鍾靈氣射牛雷震天池魚欲化雲開雉堞鶴

來遊題詩若到層臺上石碣榮增新郡侯

靖海樓晚眺 袁爾欽

東城勝地喜相過天濶臺高閃綠蘿海氣蒼茫迷老

樹春光淡蕩逗輕波樓頭確斷詩痕少巖腳花殘鳥

跡多一望雲山神愈遠臨風把酒快如何

又 韓鯁

岑樓縹緲接青雲躡屐登臨趁夕曛萬里山光迷海

氣千行樹色黯晴雲春塋負郭衡從見別浦歸帆遠

近分何處鐘魚林外出文昌高閣暮氤氳  
 登望海樓  
 城上新開望海樓茫茫極目日光浮  
 祠堂古樹風初起欄檻疎簾雨乍收  
 仙吏近沽桑落酒佳人遙載木蘭舟  
 留連永日難言別還訂花時續舊游

重修安定祠

杜光先

每到先生講學地劇憐荒落愴予情  
 蒼廳白草迷三徑寒月青山映一城  
 何意虛堂端舊席依然老樹喚新鶯  
 美輪美奐烝嘗永好際清時翊聖明  
 東南一鐸振蘇湖有宋人文戴斗樞  
 自昔尊師扶正

脉於今傳道得吾徒吳陵壇墀連滄海  
 安定宮牆接泗洙廢墜重興司牧事同標  
 青史仰鴻圖

胡安定先生祠

冒天庚

詞章競尚嘆經亡羣慶先生出海疆  
 教設蘇湖崇體用道援沉溺返虞唐  
 淵源百世由來久桑梓千年沐化長  
 景仰情深來再拜巍巍雙樹正繁昌

胡安定先生祠

張辰

蘇湖祠葺此為新拜謁摠衣最感人  
 左右書齋雖已廢士民風俗較還醇  
 千秋絕學今如昔東海名臣孰與鄰  
 拭目但看雙樹發豈同花草媚陽春





在南山寺西宋紹聖間州守陸公佃建諸亭閣庵池共六十二處紹定二年陳公垓重開二池閣前建長堤東植華表今俱廢唯長堤尚在堤南北夾小河當為名勝舊址然不可考矣

鳳池筆穎

舊聞學在西塔影映泮水遷學自何年椽筆閣不起

聞之故老學宮舊在西北方泮池橫其前故有南山塔影之異郡人李鵬碑記云浮圖在東側俯眺數十里日西影落泮池前明倭亂時改建兵道官署遷學在東遂失此景

西湖春雨

草堂邱壑奇收得錢湖巧祇今剩平田細雨春猶鬧

泰山墩之西有水為宋州守陳公垓浚治名蹟島嶼縈迴沼池激澗前輩宮太史春雨草堂在焉土人皆以小西湖名之春花秋月細雨輕風遊人絡繹踞一州之勝近則日就荒蕪矣

天目晴嵐

天日本仙阜年來耕種平晴嵐杳何許井石自縱橫

天日本土山而基址甚高形家指為堰口後托山田屬學中管業近則居民占種四週掘斷山脈田幾與山平矣王治鹿女諸仙蹟盡廢唯丹井石欄在耳

董井寒泉

博興董孝子乃在東海濱至德泉源體隨訛亦有神

董孝子永乃青州府博興縣人事載湖廣德安府志流寓不知何故訛而為泰遂有繅絲井諸說存疑可也

范堤烟柳

東望捍海堰古蹟日坍踏新傳畚揭齊天恩何周匝

堤為文正公鹽官時所築古傳長堤烟柳橫隔河  
海民竈賴之歲久多成平地今則文正公後裔  
制府公總理兩江詢民疾苦力請於上修築之  
長堤完好如初補種楊柳頓復舊觀吾州之民被  
范公之澤何世世不竭也

八景詩昔有邱容五言絕暨諸前輩各體可以  
不作余復贅者地形變遷今異於古小詩并註  
殊有關係非敢漫附不朽也雍正六年戊申遜  
叟沈龍翔記後

海陵觀徐神翁像

湯顯祖

色盡神移看寫生元都衫影罩空明滄桑欲換題愁  
去一種神仙世上情

檀像虛無函像新掉頭不識底傷神千秋淚迹神光  
裏愁看人間羅刹人

泰堂明月

褚世暄

霜風捲盡碧雲堆處處秋墓寶鑑開獨有泰堂稱好  
月想應暮夜没人來

馳嶺清風

涼飈舊在嶺西東何事炎熇塵市同廉吏歸來都兩  
袖怪他嶺上少清風

鳳池筆穎

輝輝夕照綵雲邊芹沼澄清塋影圓驚起魚龍桃浪

暖迴瀾一柱本擎天

貢院奎光

奎院騰輝壓巨鼇  
珊瑚鐵網捲風濤  
海邊儻過孫莘老  
不數珠光甕社高

范隄烟柳

陳水籠隄映遠莎  
成行排列綠雲窠  
若將召伯甘棠比  
未必棠陰蔭許多

董井寒泉

天女長辭金井欄  
至今泉水尚清寒  
博興瀛海爭公處  
嘆煞從來孝子難

西湖春雨

鄂王遺廟映波紅  
春雨淒涼一鏡中  
莫把西湖作名字  
臨安南望泣孤忠

天目晴嵐

山嵐海氣一層層  
仙跡凌嶒尚可登  
金闕銀臺皆夢想  
讓他鹿女得飛昇

泰堂明月

劉九臯

九有長空一鏡懸  
獨稱海甸自何年  
冰心會見良司牧  
民仰餘光戴二天

駝嶺清風

駝峯突起一城中幕府當年坐鎮雄老樹時聞天籟  
肅今嶺畔有英風

鳳池筆穎

文峯高聳傍城頭玉管擎天踞上流桃李橋門春爛  
縵江花都趁筆尖收

范堤烟柳

鷗堤捍海舊綿延百里春潮隔柳烟歲歲鶯聲歌不  
歇口碑如見范公賢

董井寒泉

仙娃去後玉泉寒天上機絲再見難指點荒烟留舊

幾孝名如石不曾刊

西湖春雨

草堂聽雨坐來閒瀲灩明湖水一灣滿眼春光收不  
迭起雲樓望隔江山

天目晴嵐

蜀岡來脉跨郊垌嵐氣天光一色青鹿女不還深洞  
鎖尚看龍尾接滄溟



側逸少風流落小侯  
神不歸華門  
少則

小西湖晚眺

陳秉鈞

尋幽閑過輞川莊  
為愛清溪繫短航  
堤上柳拖風細  
細林間鳥語絮  
怵怵崩崖瀉澗傾  
閣斷岫流雲補  
廢岡滿眼滄桑春  
草碧斜陽影裏  
舊山塘

春日遵

旨耕藉禮成  
喜逢時雨恭紀十二韻  
臣褚世暄

南山森瑞彩  
淑氣遍芳阡  
大典禮初洽  
東皇澤更先  
甘霖飛紫漢  
葱翠發春田  
麥秀雙岐美  
桑柔萬葉鮮  
畫中遮箬笠  
花底叱烏犍  
柳綠村村霧  
炊青戶戶烟

犁須努力耘耨漫遷延  
欲遂篝車祝還教蠹賊

倉廩寧婦子報賽盛儀  
牲牲鼓腹時雍日含哺  
大有年

小臣賡

聖世兆姓樂

堯天上德宣無盡  
勤勞庶勉旃

靖海樓秋望

江光樸連城

涼風送我上高樓  
千疊雲山望裏收  
傍嶺樹喧知宿鳥  
到城帆落識歸舟  
短機四處人催織  
長笛一敲牧放牛  
忽見沙汀征雁過  
憑空帶下海天秋

雪中靖海樓

朱式王聞成

秦州志 卷之十  
衝寒踏雪到東城，獨上高樓望遠坰。郊外已鋪千點白，山頭猶露一峰青。人沾柳絮歸茅屋，雁帶蘆花暖水汀。不是幾回憑索酒，朔風吹得醉還醒。

泰山謁岳忠武廟

程端德

蓬根了不存，軍情洵孔棘。壘土崇高山，神機未易測。金人甫撤圍，追騎隨相逼。旗翻晝日黃，塵蔽春雲黑。泰民幸生全，存禮而報德。一時殫精忠，千秋綿血食。英風亘古今，浩氣天淵塞。

重建靖海樓

程瑞禴

曩時良讎集，高工猶記城。端百尺樓極，望西南連蜀。

麻平臣 江海接瀛洲，何年敗壁寒。蟲絮一塢陰，風野樹秋顛。得使君修廢，墜竚看輪奐。眞鞏金甌。

謁王心齋祠

一代真儒卓，莽餘龍門曾。赴洛陽車風，流不改唯遺像。堂構猶存有，著書花發兩楹春。俎豆家居東海舊，樵漁種蓮歲歲清。溪上好把祠前草，更鋤

泰山謁岳忠武廟

張品邁

恢復全憑一戰中，金牌偏廢十年功。但知國事何辭死，不到今朝始是忠。血淚滴殘湖上雨，孤魂飛殺樹頭風。登臨休悵南朝事，千古英雄覆轍同。

荆川志 卷之十 墓誌 荆川志 卷之十 墓誌

荆川志 卷之十 墓誌

荆川志 卷之十 墓誌

荆川志 卷之十 墓誌

荆川志 卷之十 墓誌

荆川志 卷之十 墓誌

荆川志 卷之十 墓誌

荆川志 卷之十 墓誌

荆川志 卷之十 墓誌

荆川志 卷之十 墓誌

荆川志 卷之十 墓誌

荆川志 卷之十 墓誌

荆川志 卷之十 墓誌

荆川志 卷之十 墓誌

荆川志 卷之十 墓誌

墓誌

舊刻有胡安定儲文懿王心齋三誌初黜之今益

以唐荆川撰林東城誌共四首人則名賢文則名

筆綦慎矣茂以復加矣

胡安定先生墓誌

胡氏世居長安詢為唐兵部尚書其孫蘊因亂留



蜀爲西蜀陵州刺史蜀平歸京師終衛尉卿于君  
爲曾祖生秦州司寇叅軍諱修已卒塋如舉司寇  
生寧海節度推官諱訥贈太子中允博學善屬文  
呂文靖公夷簡嘗薦其書備修國史君其長子也  
諱瑗字翼之少有氣節顯意經學兼通曆律之法  
力貧以撫兄弟之孤愛義良厚景祐中范文正公  
仲淹上書言君知古樂召見論樂拜試秘書省校  
書郎康定初元昊寇邊陝西帥臣辟爲丹州推官  
後移密州觀察推官丁父憂舉其族之亡於遠者  
九喪歸塋服除遷保寧軍節度推官治湖州州學

又召教授諸王宮以病辭免遂以太子中舍致仕  
改殿中丞驛召會秘閣議樂除大理評事兼太常  
主簿尋復解罷歲餘授光祿寺丞國子監直講仍  
與議樂樂成改大理寺丞賜緋魚嘉祐元年遷太  
子中允充天章閣侍講旣而疾不能朝拜太常博  
士還官政從其子志康杭州節度推官以就養四  
年六月六日終於杭州享年六十有七明年十月  
五日塋於湖州烏程何山之原母隋氏贈京兆縣  
太君娶王氏封長安縣君有子三人志康進士及  
第杭州觀察推官志寧志正皆力學志寧永州知

州縣正携父衣冠歸塋如臯太子中允墓左遂守  
墓田于舊居君孤進獨立不恤權貴義以自信本  
朝承用周樂其聲高不合中和太祖皇帝嘗詔下  
一律而未遑制作天子命李照等修之君初得對  
崇政殿辨照等所修樂非是詔令改作未幾報罷  
及會秘閣議按周禮以正鍾律用上黨黍列爲九  
等絜其中者爲尺尺定而律成驗之比舊下一律  
於是徹前樂而新之天子臨紫宸鐘磬在庭天子  
曰學者能通典故而不能知聲氣之元工者習其  
聲傳而不知制器之理斯難能也先有議鑄鐘當

有大小今與黃鍾一之非古制 用倍半之法作  
應鐘至是鐘成特小小者不堪備宮縣諸儒侍從  
無議者天子可之用于郊廟又令作皇祐新樂圖  
記布之天下蓋積二十年而後成其間同議論皆  
貴官老儒相詆正者豈一二哉然君未始恤之也  
尤患隋唐以來仕進尙文詞而遺經業苟趨祿利  
及爲蘇湖二州教授嚴條約以身先之雖大暑必  
公服終日以見諸生設師弟子之禮解經至有要  
義懇懇爲諸生言其所以治已而後治乎人者學  
徒千數日月剏廟爲文章皆傳經義必以理勝信

其師說敦尚行實後爲太學四方歸之庠舍不能  
容旁拓步軍居署以廣之五經異論弟子記之曰  
爲胡氏口義侍邇英講不以諱忌爲避旣疾上數  
遣中貴人就問安否蓋亦有所待矣比去京諸生  
詣闕下乞留者累曰公卿祖送都門甚盛莫不惜  
其行也君雖老于訓導在丹州實與府事建議更  
陳法治兵器開廢地爲營田募土人爲兵給錢使  
自市勁馬漸以代東兵之不任戰者雖軍校蕃酋  
亭長廝役以事見輒飲之酒訪備邊利害以資帥  
府府多武人初謂君徒能知古書耳旣觀君之所

爲不以異已又翕然稱之君事材而行篤卒艱勤  
以沒所著資聖集十三卷藏于家嗟乎士者之志  
于道以身法世莫不欲致之于用推之于遠然才  
德之士多亦蹇軋難通豈不有命乎君不鄙小官  
進不及用切于誨人其施博矣晚乃得侍天子左  
右若將有爲輒病以廢豈人事也哉謹誌

儲文懿公墓誌

喬

宇

太原人禮部尚書

嚙先世毘陵人元末徙海陵曾祖諱宏以行義重  
於鄉祖諱玉隱居弗耀以嚙貴贈戶部右侍郎父

諱信敦儉淳樸累封至戶部右侍郎母王氏繼母  
董氏俱贈淑人君生而秀穎五六歲時讀書過目  
卽成誦九歲善屬文弱冠名動場屋鄉會試俱第  
一廷對賜第二甲進士第一名聲譽籍甚論者  
每以君未獲入翰林爲闕典太宰濟南尹公欲選  
爲屬囀懇求便養親授南京吏部考功主事尋陞  
郎中丁巳陞太僕少卿乙丑陞本寺卿正德丁卯  
陞都察院左僉都御史總督南京糧儲戊辰陞戶  
部右侍郎庚午春以疾乞休詔慰惜之賜乘  
傳歸冬十月以舊秩召用辭不就壬申春復起

爲南京戶部左侍郎癸酉正月改南京吏部左侍  
郎時方望其大用而舊疾增劇遂不起矣嗚呼惜  
哉囀體貌若不勝衣簡重端默實具公輔之器其  
在考功時評品精當人材賢否未嘗輕有所遷就  
以獎恬退抑奔競爲已任鉅鹿公得其贊畫匡輔  
之功居多丙辰當黜陟天下官員囀詢訪旣精又  
能堅執公道不爲權要所屈撓是以人無異議其  
在太僕時蒐訪馬政得失剗革其蠹弊者修舉其  
所當興復者乃疏四事以聞詔皆報可又上章  
請記孝廟言動以示將來其總督糧儲首釐正

倉庾宿弊條陳應議數事省糧戶及京邑供給之  
費其在戶部時視錢穀數益耗變形於色雖改官  
猶不置念其政跡之彰彰者如此平居事親至孝  
撫從子洵如已出爲擇師遣就學以進士顯爲文  
簡嚴有法度詩冲澹沉蔚有陶韋之風博覽羣書  
善于教人出其門者科第相望所著有柴墟文集  
駟野奏疏若干卷銘曰  
淮海維揚 實生偉人 顯顯少宰 爲時蕃臣  
發爲文章 簡雅典則 視古作者 闖入畛域  
論官周士 舉賢漢科 哀然稱首 今譽孔多

右親在南 就養伊邇 移官金陵 山水樂只

柄衡考署 修政圉司 品士相馬 精鑑攸宜

總計南臺 晉貳東省 軫恤憂民 心常耿耿

載遷銓部 允愜輿情 曾不閱歲 沉疴是嬰

凡今士風 日趨頹怠 持正敦廉 匪賢曷賴

人擬柄用 而止于斯 諸醫弗效 命也何爲

帝聞憫傷 諭哀賜塋 卹典駢蕃 光賁泉壤

海陵之塹 新墳隆然 銘文樹石 於千萬年

王心齋先生墓誌 趙貞吉 內江人大學士

明興八葉之世越中王守仁論學名世從游若泰州

王子稱最著王子名艮少先生十一歲先生歿王  
子論學如先生故學者亦稱王先生先生泰州安  
豐場人安豐俗負鹽無宿學者先生逮粗識論語  
孝經章句卽邈焉如古聖賢人信口談解如或啓  
之塾師無敢難者異日天甚寒至親所親方急鶩  
盥冷水乃痛哭曰某爲人子令親天寒盥冷水而  
不知也尙得爲人乎自此遂出代親役入掃舍捧  
席哺二老晨省夜問如古禮惟謹時年二十矣先  
生孝出天成久益行純心明悟性無碍謝役秉禮  
爲儒者以經徵語以悟釋經行卽悟處悟卽行處

如此有年人未之識也嘗一夕夢天墜壓身萬人  
奔號求救先生身托天起見日月列宿失序叉手  
自整布如故萬人歡舞拜謝醒則汗溢如雨頓覺  
心量洞明天地萬物一體自此行住語默皆在覺  
中題其座曰正德六年間居仁三月半卽先生悟  
入之始已能如此是時越中王先生自龍場謫歸  
與學者盛論孔門求仁知行合一泥者方仇爭之  
至十四年王先生撫臨江西又極論良知自性本  
體內足大江之南學者翕然從信而先生顧奉親  
鶩居皆未及聞也有黃塾師者江西人也聞先生

論說曰此絕類王巡撫之談學也先生喜曰有是哉雖然王公論良知某談格物如其同也是天以王公與天下後世如其異也是天以某與王公也其自信如此卽日往造江西蓋越兩月而先生再詣豫章城卒稱王公先覺者退就弟子間出格物論王先生曰待君他日自明之久之從王先生居越嘆曰風之未遠也是某之罪也辭還駕一蒲車二僕自隨北行所至化導人聳人聽觀無慮千百皆飽飫感動未至邨下先一夕有老叟夢黃龍無首行雨至崇文門變爲人立晨起往候而先生適

應之先生風格旣高古所爲又卓犖如此同志相顧驚愕共匿車勸止之先生留一月竟諧衆心而返然先生意終遠矣越五年戊子王先生卒於師先生迎哭於桐廬經紀其家而還開門授徒遠方皆至先生骨剛氣和性靈澄徹音咳盼顧使人意消卽學者意識稍疎漏不敢正以視先生引接人無問隸僕皆令有省雖顯貴至悍戾不悅者聞先生言皆對衆悔謝不及往往見人睂睫卽知其心別及他事以破本疑機應響疾精蘊畢露廓披聖途使人速進蓋先生之學以悟性爲宗以格物爲

要以孝弟爲實以太虛爲宅以古今爲旦暮以明  
學啓後爲重任以九二見龍爲正位以孔氏爲家  
法可謂契聖歸真生知之亞者也獨不喜著述或  
酬應之作皆令門人兒子把筆口占授之能道其  
意所欲言而止晚作格物要旨勉仁方諸篇或百  
世不可易也卒配越中爲二王云問先生何不仕  
曰吾無往而不與二三子是某之仕也或謂先生  
爲隱曰吾無往而不與二三子某何敢隱也兩救  
海濱之荒活千萬人洪御史垣構舍居其徒吳御  
史悌抗疏薦之不報嘉靖庚子十二月八日卒銘

越中良知 淮南格物 林如車兩輪 實貫一轂  
後有作者 來登此車 無以未覺 而空著書

林東城先生墓誌

唐順之

武進人  
都御史

嗚呼吾友東城林君古所謂敦行君子也紛華盛  
麗耳目之好一不膩乎其外猥巧慧辨機智之習  
一不鉤乎其心潔以律乎其身一束脩之間畏之  
若苞苴然謙以裕乎其人一輿臺之賤接之若賓  
友然行必愜乎人之所安故不爲鬼崖嶄嶄之行  
言必衡乎力之所抵故不爲要眇浮濶之言嘉靖



辛丑十一月二十日以吏部文選司郎中卒於京師年四十有四出其橐得銀四兩不能棺其寮友爲之棺以歸歸不能葬郡守朱君州守黎君賻之錢以葬而黎君又使君之友陸位等狀君之行來請銘朱君黎君君在文選時所選廉平吏治其鄉者也君諱春字子仁始號方城以其先福建福清縣方城里人後改東城祖諱某父諱宏母某氏自君幾世而上有諱閩者始自福清以從戎隸泰州守禦所故君爲泰州人林氏自徙泰州未有以儒顯者爲儒自君始後君貴始贈其父宏爲吏部文

選司主事而封母某氏爲太安人君始以窘故幾廢書者屢矣君讀書常以竹筩注膏繫衣帶間惟所適則出膏於筩燃火讀書君父爲漕卒君又獨與母妻織履讀書率終夜不睡嘗日中不能炊貰米於隣不得君行歌自若家人頗非恠之君自若已而受學於知州王君某與其鄉先生王君汝止兩王君故王陽明先生弟子君因此始聞致良知之說則心喜之至夜中睡醒無人處輒嘖嘖自喜不休遂欲以躬踐之則日以朱墨筆點記其意向臧否醇雜以自攷鏡久之乃悟曰此治病於標者

也于是駸駸有意乎反本矣戊子舉鄉試壬辰舉會試第一登進士第選戶部廣西司主事調禮部主客司主事又自禮部調吏部文選司主事吏部故矜厓岸鎖門謝賓客雖親故人不往拜示自尊重而吏部以提熱柄故雖諸寮中率自錫鞶相猜抵君色溫氣柔不以行能先人其在諸寮中恂恂下之唯謹其在同志中雖其名位絕不相埒者亦恂恂下之唯謹門無留賓日盱出部則徧走刺答諸賓客或羅致諸賓客講學意烝烝如也諸賓客人人自以林君親已其尤厚者則相與挾衾被櫛

具往宿觀寺中講學竟夕以爲常後爲郎中官重益多事矣然猶如此以此諸寮中雖其志行與君絕不入者亦謂君長者不復猜也而善類因君以聯者爲多君自束髮至蓋棺未嘗一日不講學然君本以長厚清苦繩墨自立其於學也亦因其質之所近君爲主事是時縉紳之士以講學會京師者數十人其聰明解悟能發揮師說者則多推山陰王君汝中其志行愷實則多推君與言水羅君達夫羅君於朋友中最沉密矣然君猶面疵羅君以其露才也君之自歎可知已王君汝中洒落而

君小心周慎畫尺寸不敢失兩人操行不同然君獨心敬王君爲主事久之轉驗封員外郎已而調文選司員外郎居一年母安人病癱臥君謝病歸養君居鄉則益恂恂謹甚如故儒生時家無一錢不以取於人家有一錢亦必以施於人侍母安人病病少間則出寓故所讀書處萬壽宮者與其故時友人及鄉之後生講學以其間走安豐就其故師王君叩所疑義每往必喜幸以爲聞所未聞君於師推王君汝止於友推王君汝中君居官有未識王汝止者君與之言必曰吾師心齋說如是君

居鄉有未識王汝中者君與之言必曰吾友龍溪說如是居久之赴官補稽勲郎中調文選郎君自爲吏部主事泰州守某黷而虐君請於尚書黜之忝君鄉也尚書趨起曰某未有劾者奈何君曰不實則罷主事遂以其人調邊地頃之南御史劾章至則其人也竟黜之後君赴官泊淮淮守某以次謁諸過客舟始及君供張又薄若不知君爲吏部者後淮守入覲考下當遠調君爲稽勲郎具白尚書以過淮事薦其廉靜懇乞留之更得調永平內郡二者其一遠嫌者不敢爲其一怙勢者不能爲

而君爲吏部若此然君長者常護人短其請黜泰州守事則尤爲君所難君旣長選事益思薦進賢人慎擇監司守令洗刷奉其職然事有曳掣或不<sub>能盡如所欲爲則君出謂曰選曹之職欲上通於君與相冢宰之心下通於選人與天下人之心相冢宰之心未必選人與天下人之心選曹居其間欲兩合焉人之心未必相冢宰之心選曹居其間欲兩合焉難矣雖然求無負乎吾心足矣君始調文選會御史論君受牌坊銀事雖衆以爲妄然君獨自念束髮兢兢砥行遭黜染居常引咎不<sub>欲解官又業</sub></sub>

已爲之旣任事又曳掣縮縮不自得曹又多事君日夜其間固甚瘁居無何病一夕卒卒之目猶在曹不自知病病且革乃舁歸舍先是君嘗會朋友講曾子啓手足意懇惻聞者皆怵惕未數日君遂卒君問學幾二十年其膠解凍釋未知其何如也然自同志中語質行者必歸君君娶李氏封安人子四人曉暉曜昕曉櫟而材能似君者也爲庠生妻某氏暉聘某氏女一適王墓以卒之明年某月某日墓在某所君不喜爲華詞其舉第一應試文字及後所爲詩古文務理道質而不艷如其人始

君幼不知書父故苦貧也不能資君以書以餘子給事千戶王某所某奇君令與其子王烈同學書君自是始學書後父所見君讀書且喜且唾之曰兒讀書固善然書可飽乎因取其書欲燒之君婉詞跪謝乃解後君貴常恩王氏厚報之自王烈以下禮節稱謂歲時起居一不改於故餘子時銘曰君嘗有吉天然之門盜然出之不作刻醜不爲我偶不爲人簡大心之窟如彼日月光照四垂樓臺殿闕糞壤鼠穴亦所不遺藏疾於藪有茹其垢蓄德之資有如寶然玉金在前其耀不施君子若愚

巡撫福建都御史定山墓誌銘

宮夢仁字宗袞定山其別號又號覺幢子裔出南宮敬叔後祖籍靜海明初有諱智達者以孝廉判揚州府署泰州篆因家於泰數傳至贈員外諱景隆是爲公曾祖子諱繼蘭崇正丁丑進士歷官廣東兵備道副使是爲公祖子諱偉鏐崇正癸未會魁官翰林院檢討是爲公父也以公貴贈三世如公官曾祖母王氏祖母潘氏母袁氏俱太夫人方公之始誕也公祖夢自鄭太史某家肩一畫棟至故小字曰鄭六歲就外傳

十歲工屬文與弟昌宗號二妙始爲泰諸生後  
入籍靜海連應南北闈試及赴中翰選皆不售  
公益刻苦奮勵每入闈鍵戶旅舍日課數藝同  
舍生罕睹其面己酉登賢書庚戌會試主考柏  
鄉魏公合肥龔公俱天下重望得公卷驚喜珍  
重謂自明以來元燈相續不絕如綫至公乃克  
紹而思者揭公旨籍事主考亦以檢舉具  
題事下部議行南北巡撫查覆而公遂遲大對癸

丑

殿試進呈第八人選庶吉士公嚴立程課工苦如

諸生文章詩賦每構二篇則館閣傳誦一時大  
典冊多以屬公而慷慨激發間論世事義形於  
色人謂公必以言路顯乙卯散館補授貴州道  
監察御史公甫入臺首拜疏論開礦事總憲及  
政府皆以危言沮公公弗恤疏上果奉  
旨飭行而公疏中所叅後以開礦不實率革職被譴  
公疏雖未行而

上固已心識之矣他如酌題補題留之例以杜奔競  
以清規避請蒞河工責成以省虛糜以資國用  
酌銓選開復之例鼓舞捐輸實期足餉諸疏皆

俞旨時黃淮水溢淮揚兩郡被禍尤劇公生長淮南熟知河道利弊又念切桑梓繪圖入告奉

旨該部確議具奏蓋公生平留意經濟大略凡所陳奏皆切中機務非以空言沽弋名譽者其巡視南城絕司坊饋獻嚴緝旗人橫行綱紀肅清奸宄屏息公在臺執法敢言人勸公稍斂鋒鏑可坐致公輔而公不願也丙辰年例出為河南督糧道河南素苦兌運弁丁勒索官吏侵蝕交相為害公親自驗兌積弊頓除會臺中孫君某條

陳糧折事下各省詳核公細加核減其節省銀五萬兩奇

優旨議叙歲大旱公自為文步禱白龍潭翌日大雨四境沾足戊午丁內艱歸庚申復邁檢討公喪癸亥服闋補授湖廣驛傳道乙丑擢山東提學副使時滇南蕩平禁旅凱旋道經三楚督撫念非公莫可倚辦者乃留題數月公編設船號親臨驗勘以次撥給自都統以下皆為歛戢地方安堵十月始赴山左初公在楚豫時屢監文武闈試士子感頌遍於兩省及是崑司文衡山左

之士歌舞踴躍謂今之視學吾地者  
 本朝名會元也爭自磨勵以思一當品題而公亦以  
 文風開闢士氣轉移為已任歷試諸郡釐剔弊  
 竇破格憐才所識拔皆一時名宿丁卯文武兩  
 闈中式者非公歲科首列即新進所得士也報  
 滿日巡撫疏薦公明著奉  
 旨內擢借補通政司右叅議轉兵部督捕理事官辛  
 未遷大理寺少卿旋陞都察院左僉都御史壬  
 申擢通政司通政使辛未甲戌兩預武  
 殿試讀卷

賜茶坐

上注日公者再又問公年齒籍貫公具以對

上深領之蓋

上意漸柄用公矣丁丑擢授右副都御史巡撫福建  
特賜內廐鞍馬公赴暢春苑恭請

聖訓

上言爾在外任日久外邊事體爾自知道公感激知  
 遇星馳赴閩預飭有司無設供帳在閩一年崇  
 文教厚風俗查臺灣之勒派盤通省之盈虛禁  
 人命之株連嚴兵餉之扣剋緝獲窩賭積盜數



十人大計八法不以微員塞責人尤稱快每晨  
 起泄事午夜未寢鬚髮皆白而閩中地連山海  
 禁旅駐防粟資上遊折色本色兵民交累乃疏  
 陳兩便之法為永遠之計格於部議公自分性  
 迂守拙不能隨人俯仰終不能久行其志擬自  
 具疏乞休會病未及上戊寅冬遂奉

旨解任公約裝就道樸被蕭然無所留戀已卯冬  
 召赴永定河又分修南河高粱澗龍門壩高家堰諸  
 險要處癸未

上南巡閱視嘉公勞勩復原官癸巳三月恭祝

萬壽預養老盛典

賜宴暢春苑又

召至

御榻前 賜酒一卮及袍帽等物益千



公得

躬逢其盛論者以為榮五月

陛辭歸歸未一月而公卒公起家翰林啟歷中外

致位開府文章學問為世宗工而直節

為朝野所矜式鄉國所倚賴顧其所自矢者尤

以不欺此心為本故一生無不可告人之事為

巡撫

陸辭日嘗奏言臣性情迂戇學識疎庸恐行事未盡合宜所恃以報稱者祇此心耳嗚呼此可識公居官行已之大略已銘曰

制科百代尊王唐元燈斷續爭微茫公後百載遙相望高文典冊多輝煌一冠柱後清臺綱綱儀鳳鳴朝陽瞻帷繡節照路光荆河江漢留甘棠大風表海何泱泱水壺高懸玉鑑張銀臺棘寺看迴翔

特簡節鉞臨巖疆閩海萬里塵不揚歸來泉石恣徜徉鴻文百軸垂琳瑯祝釐重來謁

帝鄉身預更老榮非常翩然騎箕下大荒千秋石室

啟厥藏大羅同日歌霓裳爲公銘辭我涕滂

編修恕堂墓誌銘

公父偉鏐崇正癸未進士學者所稱紫陽先生也紫陽公有子十一人公於次居八自少志尚不凡大父奇之曰是兒必能以學行顯吾族十六遊鄉校旋食廩餼弘覽羣籍無不通貫雖諸生名駸駸遍海內矣而屢困場屋人或勸以貴郎進公毅然曰豈可使祖宗科目自我斷避人屏居苦心淬厲有寒士所不堪比入就子舍則

愉愉怡怡娛侍紫陽公左右備極色養嘗冒風  
濤歸省焦太夫人疾舟不沉者幾矣卒以克濟  
州人士稱為孝感壬午考授正紅旗漢軍教習  
故事教習試北闈臨場例取木質文書至為  
賈公言於司成請以現在官學故勉其跋涉蓋  
自是為教習者食公之德乙酉春

聖祖巡幸蘇浙公上時巡觀河南省耕詩四十首文辭  
高古冠一時

聖祖覽公名卽顧侍臣曰此老學也蓋公之名徹  
宸聽者人矣旋賜白金及御刻孝經同欽

取人一例入都公分得南薰殿纂修方輿路程  
是年秋領順天鄉薦冬

聖祖賜冬衣一襲松花容德硯一方內製裘服明

年中式會試第二十五名殿試賜二甲十八  
名選翰林院庶吉士於時公向所纂合璧連珠  
集及廿一史連珠集館閣咸來抄取資其膏潤  
焉已丑散館欽取第五名授翰林院編修辛  
卯復移武英殿纂脩御選唐詩注仍賜松  
花硯周易折中佩文韻府壬辰會試充同考試  
官是年中式舉人奉

旨重加覆試而公所得皆宿名寒峻無一人覆落者

今內閣學士兼禮侍郎胡煦其首卷也甲午冬

命九卿各舉學問優長聲名茂著侍郎王公思軾首

以公對王公清節名臣不妄許可時論以為允

公久在書局以才品為

上所稔知及乙未春召試

聖祖臨軒親閱遇有紕繆雖資深官重者多從澄汰

而公獨蒙

公奏對稱旨

天顏甚霽公自念詞臣例不得建言而申抒所學以

庶幾古人陳詩納賈之意稍展報稱遂自撰策

略四卷其河隴荒政及治河議洞達古今尤為

當世所重他如革督撫之規禮禁商賈之侈靡

重薦舉之令定吉凶名品之制皆策略中指畫

于數十年以前者而

今上龍飛新政海宇蒙恩與公言若合符節說者謂

天假公年得敷揚

聖天子勵精求治之美其本經術以利蒼生當不可

數計乃一官匏繫僅以詩人顯為可惜也會丁

酉冬以爭議學臣開列事小失院長湯公意其

明年戊戌... 聖祖有澄清侍從之旨院長卽綴公名其中院長者  
 聖人公丙戌舉主也士論頗爲不平而公顧欣然就  
 道蓋公引疾去官之志固已久矣公抵家後尚  
 與故人從容文酒驩劇如平時及疾革諸子請  
 就醫于揚公曰人生亦各有定數揚醫豈虛扁  
 哉其達觀知命又如此公諱鴻曆字友鹿號恕  
 堂銘曰重... 門閥華茂而以學致身文譽燁赫而以直迂人  
 位不酬德將達而迤兼三不朽以莛後昆

書籍

柴墟集 儲燾著 有傳 凌海樓集 凌儒著 有傳 東城集 林春著 有傳

沈少司馬集 沈良才著 有傳 靜敬堂詩文 宮壽著 有傳

敬止集 陳著有傳 平賦錄 陳忠靖著有傳 心齋文集 王艮著 有傳

敬由錄 陳凝社著有傳 庭聞州世說 春雨草堂集五十卷

宮偉鏐 畫 廣詩集 王白舫著有傳 南軒集 竹畦集 張廷宋著有傳

明道大意 良知說 誠正解 遜庵集 田狩龍著 有傳

廣戒殺說 早嫁婢說 丁士毅著有傳 西渚集 陸與巖著有傳 醫癘

徐爾正 翠屏集 石光霽著有傳 方生詩集 方苞著 桐峯制義

涉園集 耐菴詩集 張琴著 有傳 雙虹堂集 陸舜著 有傳 杜楓

山制藝 祖山詩集 杜光先 著 文苑英華選 英華粹

語 廿一史名臣言行錄 續南宮舊德錄 讀書

紀數畧 宮夢仁 著 俞太羹制義 雲斤詩集 治河方

畧 歷朝詩雅 孔子家語訂正 白陸詩選 俞梅 著

傳 瀛海策畧 宮鴻曆 著 餘力集 仲蜀巖 著 孔子家語左傳

分類 戰國異詞 十七史正訛 天文編 算法

編 陳厚耀 經濟鴻書 志遠堂新編 桂籍軒詩

著 吳崇先 俞子書三刻 三極易知錄 五經源流 俞楷 著

著 有傳 詩觀全集 鄧漢儀 著 陋軒集 吳嘉紀 著 招雲閣集 袁爾 著

成 著 羅子全集 仁孝仕學訓 羅汝芳 著 澄觀錄 王爾 著

有 樂天堂稿十卷 田毓芝 著 焚餘草 劉九臯 著 潘子制藝

花月樓詩 潘昌類 著 采山堂詩集 沈晉陽 著 桐引樓集

七律分韻 五言詩鈔 黃雲 著 涉園集 閒好軒

吟六卷 宮鴻營 著 禮記正詮 詩經指南 樊川草

堂詩集 戴皇恩 著 清芬堂集二十卷 癸未房書啟秀

編 三科詩義 癸未小題啟秀編 遜叟書義

遜叟詩義 宗明縣志二十卷 沈龍翔 著 沈以詩文

才胸襟瀟灑 詩賦古文為一時宗匠以第 世其家龍翔少有異

八名舉北闈 著述等身但舉其知者紀之 太乙閣詩

槐蔭堂 早 劉靖 著 靖為詩壇耆宿撰述最富吳陵

吳陵者悉剪 銜閩韻敦骨月好園蔬村

綱鑑會通

南野草堂

陳志襄  
著有傳

五朝詩選

陳綬著  
有傳

茵花山房詩集

陳秉鈞著

杜詩選

陳鑽


明德篇

致知

論俞宣人  
著有傳

落落吟

俞為光著



天聖蘇十卷

蘇詩十卷

蘇詩十卷

蘇詩十卷

蘇詩十卷

蘇詩十卷

蘇詩十卷

蘇詩十卷

